


程





曹能始先生選閱

明詩次集選



石倉十二代詩選

明次集卷之

敬軒集

大明

河津薛氏道著  
後學曹學佺閱

宿信陽慈氏寺有懷趙侍御

禪室絕清灑  
夜景何寥寥  
白日墮簷隙  
涼飈拂林梢  
有客不能寐  
起坐心勞焦  
所懷同心友  
相去一何遙  
開門望天宇  
露冷河漢高  
恨無雙羽翰  
奮飛共遊遨  
秉燭遂至旦  
詩成還獨謠

山書其二

歷代詩選

月幸文集

次集卷一

士



山寺月皎皎流光入簾帷神清不成寐起視夜  
何其天漢漸回轉參斗亦西移庭草滋繁露林  
竹生涼颺撫景念良友渺在天一涯會面曾幾  
日成此遠別離冉冉易寒暑悠悠隔山陂豈無  
他人好中情詎能知

舟中作意入寺

少小心好奇斯遊歲方壯雲帆拂遙天畫舫壓  
高浪青山歷歷過可見不可傍晚泊洞庭湖還  
當極遐望

龍陽山行遇雨

楚山饒古木楚水饒奇石林霏暗不開石瀨瀉  
何急久行路欲迷嵐雨互蒸濕陟降童僕勞竟  
日未遑息向晚落葉多攬轡更駐立

瀟湘八景

雨來萬壑昏雨過千岫出晴旭楚人家蛾眉畫  
生綠望望如有情餘光遠相逐

右山市晴嵐

西風淨晚煙天水遠相接瓊樓玉宇深炯炯涵

虛白夜久風露寒一鼓湘靈瑟

洞庭秋月



霜清秋水落風過人迹平  
飛飛隨陽鳥相呼下  
寒汀向夕聚儔侶月映蘆花明

平沙落雁

夕照下山門清音出煙霧  
暝壑一僧還側佇尋  
歸路月上楚天寒霜落洞庭樹

煙寺晚鐘

兩岍叢篁濕向夕波浪生孤燈借漁火江雨蓬  
背鳴南來北往客同聽不同情

瀟湘夜雨

落落漁樵家蒼蒼起煙霧  
岍滑移釣舟沙平失  
歸路似有凌波人盈盈月中去

江村暮雪

釣艇收晚罾歸鴨集疎柳  
天風吹彤霞明月映

江口孤村一笛橫萬慮復何有

漁汀落照

翩翩投極浦漠漠背殘照  
水柵歌竹枝清風激

幽調歸舟漸覺稀錯莫尚凝眺

遠浦歸帆

泊舟清江滄肩輿渡迴溪微逕入叢篠  
蒙籠行

欲迷轉步忽開曠溪田間高卑傍水野  
航小連

林茅屋低適遂情景豁寧覺人俗非  
山堂稍曛

黑冥冥子規啼



窈窕入清溪側逕何紆曲魚梁截奔流雪瀨漱  
寒玉空翠濕人衣霧雨滿新竹路窮上野航前  
登得平陸日暮煙火迷似向桃源宿

湘江舟中

湛湛湘水綠夾岬叢篁多挽舟逆水上南風起  
微波嘉此晴霄景迢遙翫江沱沙渚曠緬邈雲  
嶠紛嗟峨遠目爲舒暢客意將如何濯纓吾所  
愛聊爲扣舷歌

襄陽道中

曉辭新野縣午入襄陽境迢遞岡坂長曲折溪  
流靜入村竹青青便覺異風景惟時霜雪繁歲  
晏北風冷中私且撥捐壯觀極馳騁日暮臨漢  
江窮源思方永  
塞山遊習家池  
白雲警衣生  
微風竹間吹  
谷口一逕入蒼山四際開中有習池水澄碧無  
纖埃泉源初噴薄交流遂滌洄飛鳥鏡中度行  
雲天外來微風一蕩拂林影久徘徊寒光怡心  
性俯翫何悠哉愛此不能去載歌寫中懷



遊君山寺

爲愛湖中山  
艤舟山下路  
石磴純莓苔  
青林雜煙霧  
前行如有窮  
嵐嶺乍分布  
招提壓重湖  
千里周一顧  
孤峰四無垠  
形氣自依附  
蘭若轉幽邃  
山僧引徐步  
白雲簷外生  
清風竹間度  
庭花雜無名  
歲晏色猶故  
澄心得妙觀  
忘言竟良晤  
愛此林壑清  
遂薄塵俗務  
招隱有同調  
奚待畢婚娶

雨後臨雙池

時雨夜來歇  
雙沼朝欲平  
香草何瑣雜  
芋蔚繞岍生  
脩竹瀉風露  
團荷貼青萍  
顧此好脩客  
覽彼衆物榮  
徘徊撫雕檻  
徙倚當素屏  
採掇終有贈  
緬焉起深情

新筍

方池錦萍滿  
花草被四阿  
生意一何盛  
新筍池上多  
綠苔已穿透  
粉籜方包羅  
銳若毛遂穎  
森如羽林戈  
朝翫夕逾峻  
舊竹時復過  
相期保堅節  
歲寒心靡他



歷代詩選  
明薛文清

五

渡雙溪

雙溪始合流崖渚遂經復洄潭一鏡平秋影空  
寒綠野渡得孤航山家帶喬木適意方自茲前  
呵戒僮僕撫景重悠然誰能和斯曲

秋日雜詠

翻翻高荷葉秋雨生微涼豈不懷遠道撫時坐  
空堂何以爲我歡簡冊多遺芳古人不可作古  
道寧可忘茲理將無厭欲語墮渺茫安得忘言  
子相與傾一觴

古夜坐

銀燭一寸光照我千古心心事諒誰語秉筆空  
沈吟幽懷載草草妙思彌悄悄豈無揚子雲視  
昔猶視今

送人之蜀

岷江瀉東溟岷山倚西極江山古名秀楊君將  
此適秋風送征帆夜火明水驛相憶瑤華音看  
取東飛翼

冬夜懷魏希文



歷代詩選 明倫彙編 六  
冬夜氣何厲冰雪輝前楹單居不能寐懷我舊  
友生行雲去不息賓鴻各時征兩情曠難合欲  
語誰當聽惟有寒月光見余心宇清展轉遂至  
旦遠思徒營營

遊禹門

春澤周四野閒情樂時和出郊縱逸興緬懷古  
山河禹門忽在望峭壁雲嵯峨石磴接飛棧相  
架接洪波空山響絲竹虛堂進舞歌父老誠苦  
心旨酒神所呵山來非一朝吾意其如何

瀘川古意

三蜀古名郡瀘川古名州我來值殘暑偶此數  
日留新秋忽改節涼風漸颼颼逍遙散前除仰  
視天宇周征鳥去不息白雲亦悠悠佳人渺何  
許重林蔽層丘秋日復西邁大江自東流良辰  
不我與古道曠莫酬願聞瑤華音行矣旋吾輶

褒斜道中

褒斜一何長深谷自迤邐雲木青無邊羣峰各  
峻峙鳥道緣嵯巔危棧架江汜冥冥叫子規決



决響溪水累日山峽中陟降亦勞只古人歌在前蜀道難如此我今入蜀門感慨仍莫已雖云南谷險且遂北歸喜行色宣柔毫庶用傳君子

淮南謳

淮土何漫漫淮水自悠悠小山去已久桂樹遺巖幽昔有學仙子意欲仍丹丘秋石旣烹煉鴻寶亦藏收雞犬竟莫聞行雲去難留寧慮時事異翻結千古愁舞榭荆棘生歌臺麋鹿遊信知希世事伊豈望外求揖讓自堯舜高風想巢由

此道久已非聽我淮南謳

擬古

悠悠復悠悠水中有行舟四序無淹晷代謝不可留春鳥寂無聲寒蟬號素秋落葉滿阡陌白雲散巖幽去去勿復道頽陽有遺老

其二

庭前桂花發清香散涼颺采采黃金英傾筐方自持思欲贈遠人風波阻長岐望望不可及馨潔空自奇



其三

圓象無停運大化不可留  
征車既西邁行舟復東流  
轍迹苦相背兩美焉得由  
青松生澗底白日麗高丘  
餘光不廻照直榦空蕭颯  
去去莫復道零露滿春草

其四

在陰鶴相應遷喬鳥當歌  
琴書滿瑤席良朋亦已多  
各愛芳菲時共惜光陰過  
齋心何所求所求保太和  
壯年不努力奈此老大何

其五

白雲在高丘綠蘿在深谷  
中有冥栖士雲蘿蔽茆屋  
獨抱尚友情緬遂碩人軸  
古琴時復彈古書還更讀  
逍遙無外事俯仰長自足  
沮溺耦而耕姜叟釣渭曲  
伊人豈無心耻銜荆山玉  
將須鳳來儀朝陽滿梧竹

其六

青山何峒峒白雲自超超  
雲山日在望開門兩相高  
既喜山靜止還愛雲飄飄  
秀色可攬結吾



其陟山椒

其七

庭樹微飄落涼氣始披拂却憶少年時泛舟湖  
湘曲秋風起波瀾寒霜下林麓日出江上楓霧  
隱楚听竹蘭芷亦蕭條芟荷不秋馥靈均舊遊  
處騷思方滿目忽忽三十年涼意復相觸九歌  
有遺辭得意在雲谷

江行

石城上朝旭宿霧漸已收大江何茫茫柔櫓泛

中流鍾阜猶在望白雲散巖幽兩載寧無情湖  
山憶同遊佳勝邈難卽迴想空悠悠

其二

我舟旣云邁長風起層波天水共渺茫雲岫紛  
嗟峨石城猶在望赤岬還經過遠堤秋樹小水  
國蒹葭多老遂金陵遊奈此佳麗何北歸已陳  
迹江行遂成歌

清河晚晴

向夕起長風秋雲靜天宇清波流月光白露下



寒渚榜人喜晴霽理楫夜相語早發過鍾吾漫  
漫見徐士

杜鵑行

昔讀古人書知有杜鵑名今泛沅江船始聞杜  
鵑聲杜鵑有子不自哺野老相傳之語如少陵  
惟有古來稱望帝變化無端竟茫昧吾意百鳥  
相推尊亦如蜂蟻君臣義氣化感物不自由四  
月五月聲喧啾一聲未了聲轉急千林萬壑波  
濤秋遠客扁舟睡難着兩耳還遭杜鵑聒歸心

一夜在虞廷鳴鳳時應集阿閣

壺頭歌

沅水南來幾千里亂石激濤蹴空起急捎官舫  
上巉巖閒倚驛樓看山水隔江萬疊雲峰稠一  
峰平立名壺頭云是伏波駐兵處至今石室留  
山陬憶昔炎綱斷如縷草竊紛然據寰宇寧知  
田牧隱竒才揮斤奸庸識真主西征聚米在目  
中南伐誰比銅柱功中興諸將數籌略直與賈  
鄧爭豪雄老身甘向邊陲歿誓掃羣蠻靜坤軸



壺頭一死非無情天遣英靈鎮南服昔于青史  
歎高識今向荒山訪遺跡怒濤猶帶薄伐聲愁  
雲似是忠憤積馬侯馬侯真丈夫大詭自與凡  
材殊廟食勲名幾千古媿我章句爲腐儒

昆陽行

策馬從北來南涉沙河渡登岍得平原極目風  
景暮暮天落葉何縱橫翻翻亂觸馬足鳴蒼山  
無數背人遠瞻前忽及昆陽城城南滙水流城  
郭英雄事業猶如昨白水真人在側微謹厚豈

使常情度是時炎運寒如灰五威使者車奔雷  
慘慘三精雲霧塞瀟瀟九縣颺風回真人一怒  
奮神武手握赤符興義旅昆陽大戰開天功烏  
合如林散何許吾想當日殺戮多洗兵雷雨何  
滂沱滙川倒流虎豹伏亂麻屍積山嵯峨自爾  
威聲震天地兇魁惡黨魂飄逝夏后周宣果再  
興成功磊落光前世悠悠此事千餘年至今父  
老猶相傳我來正值太平日戰地盡作桑麻田  
生平遊覽好奇特徘徊弔古中腸熱舉鞭一笑



寒天高萬里關河坐超越

黔陽江行歌

黔江轉急勢未已兩岍蒼崖削天起官船雙櫂  
疾於飛倏忽雲林過百里生平膽氣尤崛竒三  
年蠻徼甘奔馳惡灘險浪不經意白日自保公  
無私空囊做篋一何有滿束古書置前後船窗  
豁達涵虛明書中得意寧容口忽憶江山千古  
長不知何日開鴻雁陰陽爭勝鬼神急造化不  
停真宰忙千竒百怪氣象錯輕飄重墜奠清濁

三光宣精四海明五行順序百卉作有物不名  
復不凋泯滅萬化常超超眼底江山未爲壯大  
地比是猶毫毛感此人生浪自苦萬事悠悠隨  
所與放歌一曲南風來坐對青天兩無語

齊都歌

偶把漁竿來渭水諸侯八百從如蟻洗兵一雨  
天下清興王事業應難比茅土之封東諸侯奄  
有青濟都營丘千乘龍旂照滄海百層雉堞臨  
淄流淄流梯曙歌鐘起人物喧闐溢都市黃金



白璧酬君公文馬雕軒覲天子前朝後市何輝  
光歌臺舞榭遙相望長劍危冠盛臯虎珠簾繡  
幕圍姬姜伯業相傳僅千載寧知時去繁華改  
盜賊公然竊寶弓坐令清社無光彩是非得失  
俱悠哉空餘廢址連荒臺往事淒涼不可問溜  
流嗚咽悲風來南風來坐堂青天西

賦北望海歌

我生足迹半天下竭來持節臨東夏萬里滄溟  
入壯觀洞庭彭蠡足驚詫三韓之西日本東玄

冥少昊迴祝融歸墟尾閭杳難測清江碧漢來  
無窮碣石依稀望中小天台不斷連山繞煙波  
明滅散羣鷗雲水空清浮衆島扶桑漸覺明朝  
暎還從海底昇金盆太陰滅盡清輝發羲和穩  
駕波無痕有時颶母逞神威馮夷擊鼓百怪舞  
白浪峨峨摧雪山黑霧茫茫漲天宇三山六鼇  
安在哉祖龍已去劉郎來樓船不復返秦使雲  
帆更欲尋蓬萊雄豪千古俱淪沒惟有潮聲尚  
如昨從誰海上論盈虛獨倚蒼山看寥廓



寄題廣漢張魏公讀書巖

廣漢之山甲西蜀聞有石巖在山麓想當英傑  
 未遇時携書獨向巖間讀巖間日月閒且長遠  
 從虞夏窺黃唐幽探造化鬼神變明察典禮人  
 道常古書徧讀飽經濟一朝適與風雲際社稷  
 傾將赤手扶砥柱不逐洪波逝金輪腥濁乾與  
 坤冥冥九宇皆妖氛要除貔貍正人極誓驅貔  
 虎恢中原其如讒口增萋斐一斥南荒垂二紀  
 容光雖荷天開明孤忠竟與時已矣俯仰于今

幾萬秋名將江漢無停流思公招公公不起遙  
 想寒巖添我愁

郊遊

客居煩聒毒我腸偶騎款段登周行西行三里  
 渡小水北上百步臨高岡遠近人家翳喬木依  
 稀郵舍圍垂楊是時隴麥半乾槁南風起浪日  
 色黃所遇林桑已空兀誰家婦女猶提筐維南  
 有山接嵩少雲門開闔峰低昂清回爽氣徹心  
 目便覺塵慮都消忘回鞭窈窕歷溪谷野花野



草供幽香殼蝸垤蟻各生遂潛鱗飛鳥咸徜徉  
東折縈紆歷平坂縱觀大化窮毫芒乃悟羣生  
隱無極始知一氣包鴻荒此意悠悠真罕識令  
人酷憶點也狂緩轡歸來日已夕滿懷風月天  
茫茫

洞庭遇雨

孤舟行何遲歲晚洞庭雨跳波亂明珠隨風颺  
細縷雲霧失君山波浪連吳楚誰唱斑竹枝別  
思盈南浦

久雨遣懷

客居連市井積雨竟朝昏屋漏頻移榻泥深少  
出門窗風侵坐冷簷溜入宵繁賴有詩驅悶無  
勞問酒樽

其二

秋來常苦雨風氣早生寒小鳥投林急高鴻下  
食難奔流淹古道密霧隱前山試誦停雲句中  
懷獨未寬

舟發城陵磯



急鼓催舟發依稀見岳陽遠波浮島與衆水合  
 岷湘竹尾居人閣杉牌賈客房且看風景異未  
 覺遠遊傷

舟發長沙涼早坐寒小島對林意高歡不

曉遡湘江水微風漾碧波好山隨岫遠野燒入  
 林多往哲題詩處今予鼓棹過來遊覽數天  
 意遣吟哦

其二共賞雨意

已覺長沙北猶瞻嶽麓西天浮湘水瀾樹入楚

山低岫芷餘香草叢篁染舊啼昔賢遊覽地我  
 亦爲留題

其三

長沙城下驛解纜發扁舟水柵千家市沙村十  
 里洲喜逢晴霽景况值太平秋憲節叨光寵懷  
 賢獨未休

湘鄉道中

湘鄉南去路連日是山行地僻溪潭綠冬和草  
 樹榮野人懸稻把古戍列干旌異俗今如此歸



當話友生

沅州新正書景

頗訝沅州地新正景不同遠山青草瘴深院落  
梅風角角尋巢鳥喧喧采蘂蜂春衣初試袂和  
氣滿簾櫳

其二

楚地春來早羣花次第開輕黃舒柳線重碧染  
莓苔永日香凝篆和風酒滿杯端居叨寵渥何  
以答涓埃

楚水喬日遡流往長沙

楚岫無邊翠湘流不盡清香風屈子賦苦竹鷓

鴣聲風景當年事雲霞萬古情沙頭舊鷗鳥誰

肯與尋盟前世事因是古人勸自願映何益

武口守風

連日北風疾江濤拍听鳴天垂平野月浪颭近

船燈湖與歸心濶秋因客思清不眠聽鼓角高

枕念王程

其二



武口叢洞下維舟日欲晡北風增駭浪南客念  
歸途水遠浮三蜀煙濃暗五湖江村秋雨裏難  
覓酒家壚

舟中偶成

舟中如斗室坐似覺心清閉戶嫌風冷推篷愛  
日明偶思前世事因見古人情自顧知何益詩  
書浪得名

漢江曉泛

城下扁舟發江清宿霧消竹村迎听出粉堞背  
人遙神女無消息明珠久寂寥鹿門看漸近滿  
耳颯清飈

舟中遣悶

五日行不盡洞庭青草寬窮陰連旦夕密霧隱  
湖山詩思自難竭酒壺行復乾孤舟親愛遠何  
以暫爲歡

武陵曉泛

今朝風日好來泛武陵溪碧水寒依听蒼林遠  
護堤沙光搖野馬人語散鳧鷖二月桃花發還



歷代詩選

明薛文清

卷

應處處迷

送和司訓

秋色滿平陰秋聲幾處砧  
離筵對衰草別路繞疎林  
白日青霄迥紅雲紫極深  
此行應得意早晚報佳音

五日黔江

好在黔中地相留過幾年  
听經冬嶺樹水宿夜灘船  
支枕思前事清心憶往賢  
一陽看漸近吾道故應旋

題風木卷

秋色滿天地寸心將若何  
行雲寧返迹逝水絕回波  
斷織封蛛網殘篇掩蓼莪  
空餘東嶺樹向夕受風多  
南風賦神劍暮雨翻飄飄  
數中秋夜諸生持酒至  
五見中秋節湘南想北州  
忽看今夜月忘却昔年愁  
汾水通河漢龍門近斗牛  
霜鐘傳永久高詠未能休  
宜思脈脈湘莫斷嗚東堂  
詠

示弟塘

歷代詩選

月華文青

次集卷一

二

日



大屋星霜久新年雨雪頻田園知己薄生計可  
忘勤喬木宜思祖雞豚莫惱鄰東堂花幾樹應  
與歲俱春

正見嘉陵泛江

湛湛嘉陵水沈沈石底明岼翻雲樹影谷響棹  
歌聲微冷南風細輕陰暮雨晴應難逢此景還  
慰遠遊情

雨後宿嘉陵

夜宿嘉陵岼扁舟雨不休山雲迷澗壑林火射

江流久坐思王事難眠動旅愁所期氛祲掃走  
馬上神州

錦城寓館

寓館富花竹書齋夏日長芭蕉紅錦秀梔子白  
花香樹密寧知暑窗開但覺涼遠懷雖暫遣世  
慮未能忘

其二

曲逕通幽處交陰翠竹高書齋成雅趣花圃愜  
遊遨石甃涵天影風林作海濤寧知城市內清



歷代詩選

明薛汝清

境勝江臯

竹

誰種庭前竹蕭森數十竿  
高簷晴落翠虛室晝生寒  
韻喜風前聽陰宜月下看  
莫言家在遠長得報平安

竹下

翠擁如雲竹門開一逕深  
成林常少日接葉自多陰  
山鳥時聞嘒風蟬忽聽吟  
把書閒讀處涼籟覺心清

派閣遣懷

如何三月外猶未得家書  
爲少南來雁因稀北上魚  
謾叨新使節祇想舊田廬  
旦夕聞消息中懷暫一舒

五丁峽

巨峽二千里天開幾萬年  
泉飛林杪雨雲合管中天  
一水橋頻度層崖石亂懸  
梁州神禹迹繆以五丁傳

入徐州境



春首及徐方行來道路長殘冰積水霽雪帶  
連岡遠岫通淮甸懸流近呂梁征鞍今可解不  
日上舟航

古滕薛城

纔過古滕國還瞻舊薛城分封遺壞堞列爵但  
虛名冉冉春煙淡悠悠野水清望中今古意信  
馬獨含情

江道士碧岩軒

飛閣環流水層軒面面開虛澄涵倒影淨碧絕

浮埃鏡裏閑雲度潭心爽氣來道人能有此還  
似小蓬萊

樵雲野老

自得山中趣都忘世上名閒尋肥遯侶共作斫  
雲行泱泱溪流響丁丁谷應聲偶然值漁者問  
客有深情

曉登沅州北上頂

嵐靄氤氳重溪行咫尺迷漸登層巘上始覺衆  
山低遠近天無際參差樹不齊川雲平似海石



磴峻如梯日出寒煙外風生碧澗倪異禽和露  
宿快馬度風嘶遠目回三蜀高懷徧五溪歸朝  
誇勝槩沅水有新題

戲題紅白二梅花落

簷外雙梅樹庭前昨夜風新英兼舊蘂墜粉間  
飄紅已見苔成錦方疑色是空粧娥初點額舞  
女欲迷蹤雨重胭脂濕泥香瑞雪融不知何處  
笛併起一聲中

簡孔別駕遊禹門用謝太守韻

雙旌曾向禹門遊別駕今來亦暫畱岍斷雲霞  
開翠壁天連棧閣駕黃流千金尚想波心瓠萬  
斛深期渡口舟如此山川元不惡可無詩句記  
春秋

讀文山傳

朔氣蕭森歲向深揮戈枝淚動哀吟艱危已竭  
回天力慷慨猶存捧日心海水尋常秋月冷塞  
雲千里暮星沈悠悠往事都如夢只有孤忠照  
古今



登南城

土阜層層數百盤偶來高頂望人寰滿川宿麥  
浮青浪一帶晴嵐列翠鬟何處雲霞迷磧石數  
村桑柘遶綿山唐風晉問憑誰說地濶天高雁  
影寒

曲沃道中

新秋雨霽過新田綠樹人家斷復連汾滄波光  
晴泛日絳州山色曉參天申生大孝留天地里  
克遺名載簡編何事齊姜墳上土忍將芳草度

流年

梁陽詠古

楚漢干戈向已休尚存遺迹在中州幾灣流水  
風煙暮一片荒城草樹秋力戰可堪離廣武分  
疆空見指鴻溝當時四百興劉計只在張良一  
運籌

宿水村

日暮江頭送客還寂寥清夜不成歡連天海氣  
當窗白一枕江風入夢寒雞唱遠村皆落月潮



生古渡已層瀾披衣久坐待明發白石歌餘興  
未闌

春日遣興

靄靄春雲度女牆萋萋春草徧芳塘園林風景  
非吾土庭館鶯花是異鄉野岬波紋浮鴨綠官  
橋柳色弄鶯黃不知多少相思意祇逐遊絲百  
尺長

秋日寄王嘉靖

漁陽秋色動關河遼右天晴一雁過白社高人

渾懶漫青瑣學士久蹉跎西風對酒砧聲切良  
夜調琴月影多珍重遠書勞問訊相思千里柰  
情何

天籟九日和徐懷玉韻

對酒東籬自詠詩遠山晴望轉逶迤秋容淡薄  
黃花節風景蕭條白雁時醉閱人寰聊縱目靜  
思塵事久支頤年年此日無窮意笑把茱萸欲  
贈誰

早秋

一葉蚤早



露下梧桐一葉飛  
早秋涼氣襲人衣  
西風樹老蟬聲急  
夜月涼深燕影稀  
鸞鏡每看新事業  
龍泉頻拭舊光輝  
黃花晚景真堪賞  
九辯何須怨夕暉

七夕雨

天孫不乞人間巧  
故使秋雲蔽月輝  
銀漢晚煙迷鶴馭  
玉霄涼雨濺鮫衣  
更無絲結看蛛綴  
祇想橋成有鵲飛  
獨立秋風倍惆悵  
通津何處問支機

春日懷舊遊簡胥貢士

薊門春色阻關河  
汴野東風長綠莎  
正是懷人煙景暮  
不禁呼酒雨聲多  
閒中謾寫凌雲賦  
醉裏誰聽白雪歌  
惟有流鶯相厚意  
柳溪花徑數來過

送馬太守之西安

玉階新拜寵恩濃  
阜蓋西行五馬逢  
秦樹到關開曉色  
岳蓮當路出奇峰  
好詢民隱周三輔  
爲播仁風答九重  
青史古稱張趙蹟  
會看勳業繼



前蹤

登中條山東頭

魏國中條此盡頭  
登臨暇日興悠悠  
兩崖勢轉黃流靜  
萬壑聲寒碧樹秋  
官舍飛甍臨遠谷  
禪宮細路遶層丘  
風光滿目皆吾土  
逸氣飄然總勝遊

薊門煙樹

石門相對一川平  
嘉樹依依接鳳城  
密繞溪村雲未斂  
半遮山寺雨初晴  
歸鴉向夕穿新綠  
嬌鳥啼春護落英  
試向高原凝望處  
祗疑韋偃畫初成

初成

金臺夕照

千年玄社已消沈  
尚有荒臺僅數尋  
壞堦只今生翠蘚  
頽垣不復貯黃金  
山銜落日留殘照  
樹擁孤雲帶夕陰  
駿馬無聲衰草合  
冷風涼月暮虫吟

登岳陽樓

玉斧飛霜過洞庭  
岳陽樓上寄高情  
天涯楚樹



千行直溯面君山一點晴今古留題才浩渺往  
來登覽歲崢嶸中天徙倚無塵到笑挹高風滿  
抱清

辰陽秋日

雄城百雉控蠻荒山翠高低護女牆萬里梯航  
通六詔五溪煙水下三湘邊氓久已漸華俗遠  
客頻應望帝鄉地氣于今同北土早秋時節雨  
生涼

益陽詠古

澆水西來遶縣流煙波遠接洞庭秋津頭客舫  
半江貨舫畔人家多竹樓甘壘草荒秋月淡裴  
亭樹老暮煙稠浮江仙子何須問我亦當年賦  
遠遊

長沙

明時持節按湖南澤國風煙到自諳客舫盡應  
依水市人家多是住山嵐三苗已見華風遠五  
嶺應知聖澤覃廊廟只今登俊彥不勞詞賦弔  
湘潭



襄陽懷古

鄧城纔過見樊城雉堞荒涼總舊名廢沼幾行  
寒雁下疎林千點晚鴉鳴分茅尚自懷山甫謀  
國何須羨曼甥更問襄陽千古事峴山依舊漢  
江清

沅州雜詠

遠山重疊繞孤城城下蠻江一曲清溪峴人家  
猶異俗市廛兒女帶華聲戶將烏鬼爲生計地  
產丹砂當歲征自昔黔中風土惡遠遊那得易

爲情

樓上

都門樓閣倚中天暇日登臨思渺然樹繞西山  
濃着雨地連東海淡浮煙塵消綺陌填車馬香  
煖歌臺醉管絃獨有道人清似鶴謾從華表記  
歸年

遊靈巖寺

靈巖有路入煙霞臺殿高低釋子家風滿迴廊  
飄墜葉水流雙澗泛空花青松閱世風霜古翠



石題名歲月賒誰謂無生真可學山中亦自有  
年華

送盧都憲鎮守寧夏

明時出鎮得才難莫厭巡行萬里間雨露初辭  
青鎖闥風霜先到賀蘭山關河控帶黃塵靜蕃  
落耕耘綠野開入覲天顏應咫尺不須頻看寶  
刀環

溫泉

唐家天子愛溫泉故起離宮繡嶺前山上朝元  
金作閣苑中湯井玉爲蓮錦鳧曾泛當時水香  
木空聞舊日船賜浴未終擊鼓動苔痕留恨自  
年年

華清宮

天寶承平奈樂何華清宮殿鬱嵒峩朝元閣峻  
臨秦嶺羯鼓樓高俯渭河玉笛長飄雲外曲霓  
裳間舞月中歌祗今惟有溫泉水鳴咽聲中感  
怨多

諸葛武侯塚



丞相孤墳此地尋，  
褒城西去漢江陰。  
青蕪漠漠煙橫野，  
翠栢蕭蕭風滿林。  
尚憶出師當日表，  
空歌梁甫舊時吟。  
中原未復星先墜，  
長使英雄慨古今。

春日遣興

閒館春深日正長，  
萋萋春草徧池塘。  
淡雲疎雨梨花白，  
暖日輕風柳線黃。  
讀易自能窮宇宙，  
賦詩聊爾記年光。  
錦城風景雖云樂，  
故里關心未可忘。

錦江驛官送櫻桃

錦官驛吏送櫻桃，  
紅顆堆盤磊落高。  
時果已知西蜀美，  
古詩難見少陵豪。  
嘗新暫遣中情悅，  
感物還添遠意勞。  
多少上林鶯啄徧，  
一春歸興正迢迢。

過武功縣

持節西來過武功，  
扶桑日上曉光紅。  
渭河水遠波聲小，  
太白山高樹影重。  
遺址已無慈德寺，  
居人猶說古邠封。  
東行無限前朝事，  
盡在紅塵綠



野中

河間獻王墓

漢家宗室最稱賢  
遺事曾經閱簡編  
偶過河間尋往迹  
空餘荒塚帶寒煙  
頻求千古書連帙  
獨對三雍策幾篇  
雅樂未興人已逝  
歌聲惟有大風傳

金陵春望

金陵最好是新春  
風景無邊入望頻  
山似洛中浮秀色  
水從天上泛通津  
千門垂柳初經雨  
滿

路飛花不起塵  
深荷發生同萬物  
兩京回首憶

楓宸

簡張都憲楊尚書  
鄭侍郎廖少卿  
丁寺丞

棘寺秋官接憲臺  
山光水色畫圖開  
青林雲氣當窗見  
翠浪風煙入座來  
楊柳影中冠蓋過  
菱荷香外吏人回  
好生正仰吾皇德  
共播仁恩徧

九垓

鳳臺春曉

金陵千尺鳳皇臺  
臺上春雲向曉開  
綠草雨餘



淮甸合青山，岍轉楚江迴。謫仙此日知何在，麗  
句當年未易裁。定鼎只今逢有道，九苞行復自  
天來。

天順元年六月初十日上章堅請告老至

二十一日蒙允出京師舟中賦

經世誰人志盡酬，古今回想興悠悠。卽非有道  
身能退，自是無才老便休。歸騎遠尋天井路，輕  
裘先放潞河舟。家山是處知何日，汾水西風八月秋。

山行三首

山鳥多清音，山花有異香。但得山間趣，寧辭山  
路長。

荒岡斷復連，風葉散還集。霜落秋澗清，煙橫晚  
岫碧。

秋夜

泠泠碧窗風，皎皎疎簾月。重門掩秋霜，素練擣  
寒雪。

荒逕



曉行荒逕中  
灩灩草上露  
日出雲氣收  
一鳥空  
中度

早起

風如飈  
簾月重  
門外烟  
露素  
對

鷄鳴耿不寐  
展轉待明發  
童子視窗前  
猶言有  
殘月

早發

數風  
葉  
清  
我  
不  
斷  
空  
對

晨星耿孤色  
曉月餘清朗  
舟人解纜行  
夢覺波  
聲響

銅雀臺

銅雀臺高春日明  
春風無限綺羅情  
笙歌莫向西陵奏  
松柏蕭蕭起暮聲

舟中雜興  
東韓克和劉自牧王尚文諸公  
天上同霑雨露多  
扁舟又喜泛滄波  
冥冥鳥背夕陽暮  
千里月明聞棹歌

木杙其空  
世非氣  
應應良世  
是只  
幾回  
轉

波光到底見星辰  
中夜行舟月色新  
睡覺水村雞已唱  
雲帆清曉過天津

次其  
三  
蘇  
外  
水  
人  
家  
蕭  
瑟  
無  
小  
飲  
對



歷代詩選 卷之四 齊文清  
夾堤楊柳綠依依，傍水人家籬落稀。  
小婦携籃賣蒲笋，得錢含笑入荆扉。

水畔人家舟作屋，飄飄身世長兒孫。  
幾回睡足蘆花月，又引帆檣過別村。

天土田蓼子谷取捷路，抵鞏黃河北徙有感。  
此路經過已十年，重來河水變桑田。  
西風不盡登臨意，又見寒鴉下夕煙。

崑崙鞏洛道中 即春風無別語，兼別至相莫四  
嵩高雲氣晚嵯峨，清洛西風咽逝波。  
水色山光渾似舊，宋家陵墓夕陽多。

函谷關 函谷關 函谷關 函谷關 函谷關  
羸秦烈焰掩全齊，誰遣君侯更向西。  
關上月明關下路，英雄千古怨晨雞。

長世登平陸城樓 谷中二十四回林如聯北  
獨倚危樓日向西，洪河風起浪高低。  
中條北去無多路，回首鄉關路不迷。

賦水山水小景 天春風賦土音入壑小對半五



湖水平平浪拍天春風湖上有人煙小樓半在  
花林內簾捲青山看釣船

身世浮雲無定迹客中二十四回秋故鄉此夕  
逢佳節閒看星河徹夜流

留連冉冉已過夏離別匆匆又值秋酒盡玉壺  
歌舞散月明千里照汾流

錦瑟銀箏酒半酣離情幾許舊曾諳却憐後夜  
相思處三晉山高月正南

元夕寄故鄉諸友  
思鄉無日不關情况復春燈對月明欲作家書  
附回使歸心先過洛陽城

過賈暮宅

今為長平驛

長平驛是相君家不見當時富貴花只有蒼蒼  
喬木在至今猶宿夕陽鴉

榮陽道中



老親官定覃懷後遊子南來京索時舟渡濁河  
高處望太行秋碧繞天涯

獨尋危坂出高岡蔓草荆榛古道荒谷口人家  
似仙館幾間茅屋蔭垂楊

宮前老柏

蒼蒼老幹鑄青銅縷縷香毛引細風自是栽培  
年歲久托根長近禹王宮

后土祠

一木爲橋度斷溪山風水氣冷淒淒千年古廟

蒼崖下萬里河流正在西

石龕

古屋縱橫半畝餘只疑神鬼護陰虛蒼崖直上  
通元氣點點寒泉滴露珠

題四景

雲滿青山水滿溪綠楊紅杏繞幽栖抱琴童子  
隨師去歸到橋心日未西

水心亭子四山青亭下荷花照眼明我欲喚船  
楊柳畔隔溪終日不聞聲



題錢舜舉山水小景

琪樹秋風生早寒樓臺縹緲暮雲間橋頭有客  
長無事閒聽溪聲靜看山

新鄭學宮夜宿

清飈撼撼響林柯夜宿秋堂冷簟波睡醒不禁  
鄉思切滿庭明月候蟲多

劉廣文携酒餞行

先人館下老門生三十年來故舊情今日相逢  
頭已白殷勤載酒問歸程

出漢口

扁舟泛泛野湖平岨轉奔流近漢城滿目江山  
如畫裏留題多少舊才名

公安詠古

古砌長衢滿綠苔疎籬多傍水邊栽欲知何處  
懷平仲老竹荒祠風雨來

蜀江水漲如黃河江北諸山彷彿太行遣

與而作

蜀江濁比大河黃江北諸山似太行誤喜中原



應不遠忽聞人語是湖襄

常德

百里平川古朗州沅江滾滾向東流竹枝留得  
唐人句一曲西風碧樹秋

益陽山行遇雨

雲林漠漠雨淒淒曲曲危橋曲曲溪可是青驄  
行處穩滿山紅葉颺秋泥

黔陽春日

滿庭落葉似深秋好鳥鳴時地轉幽坐對青山

纔咫尺會登高頂望中州

駐節黔中改歲華四山重疊繞天涯空庭獨坐  
聽鳴鳥拂面春風吹柳花

四月望夜院中作

月照芭蕉葉上明小欄干外竹林清一襟風露  
涼如洗似有新秋在戶庭

對雨遣興柬陳侍御

秋雨通宵盡日鳴柏臺雙沼漲皆平綠荷裊裊  
欹香柄細看明珠瀉未停



靖州月夜

參差林影受風斜  
堅坐胡牀愛月華  
涼露在庭清似水  
不知今夕是天涯

竹

三年烏府長琅玕  
粉籜新梢次第看  
今日成林足風雨  
坐聽清響徹雲端

梅

紅白沅州有二梅  
年年長是近春開  
飄廊點砌今誰借  
祇有東風掃石苔

再懷沅州五友

簾捲秋風繞砌花  
沅陽幾對昔年華  
關山白露三千里  
誰采金英泛紫霞

沅上春行

清汾信馬踏春酣  
汀草萋萋隴麥穰  
正是暖風啼鳥日  
水村花塢似江南

聞蛙有懷

春晚乘驄駐德平  
古城墻外有蛙鳴  
却思青草池塘夜  
三載湖南厭此聲



暮春道中見桃花尚開

馬穿新綠過園林已恨穠芳誤賞心猶有小桃  
花未落獨留餘艷到春深

穆陵關夜雨

萬山絕頂穆陵關一上山樓五月寒煙樹滿村  
浮暝色晚風吹雨濕欄干

三千竹塢涼風

半畝琅玕出短壩煖煙輕霧碧陰重開門淨掃  
蒼苔坐細葉蕭蕭引好風

行臺雜詠

繞屋葵花錦作圍畫墻墻外柳依依日長庭院  
遊絲靜乳燕穿簾自在飛

四景爲李通政賦

石橋流水自東西綠樹連雲翠嶂低却憶當年  
持憲節扁舟曾泛武陵溪

臨波春意

蒼玉生苔浸綠波新篁老木散枝柯徒勞人世  
歌招隱淡蕩東風野興多



淡靄涼生

扁舟幾度泛湘波  
老木疎篁翠石多  
涼吹淡煙  
圖畫裏遠懷清絕奈秋何

絕句

長江風起浪如山  
驛路紅塵幾往還  
三十年前  
回首處煙蓑依舊釣磯閒

汾上春日

道邊桃李綠陰繁  
花落難招萬片魂  
只有清汾  
流不盡年年長是繞孤村

朝天驛

征驂行盡裊南路  
又上朝天驛畔舟  
兩岍雲林  
青未了嘉陵南去水悠悠

蜀竹枝歌

錦官城東多水樓  
蜀姬酒濃消客愁  
醉來忘却  
家山道勸君莫作錦城遊

其二

江上小樓開戶多  
蜀儂解唱巴渝歌  
清江中夜  
月如畫賈客樓頭奈樂何



日破其三 容對更奈樂何

楊柳隴隴天欲明 錦江夜雨江水生 塩船無數

惡年少閒上江樓 看曉晴

寒山豈憐我莫非 險然哉

餘亦無東之水對 麗波西對 容愁 輶來 念時

同音 關 有 對 烟

石倉十二代詩選 明次集卷之二

忠肅集

大明

錢塘于謙著 後學曹學佺閱

擬古 春 輶 費

妾意如水清 妾心如石堅 良人久別離 悵望空  
懸懸所感恩 義重豈為情 欲牽但願良人好 功  
名遂超遷 九重布恩澤 四境無烽煙 未卜會面  
期先遣佳音傳 亦足慰岑寂 何必常團圓

南國有佳人 水雲妾則怨 西裝白 無 餘 哉



南國有佳人皎皎冰雪姿恒恐污潔白  
燕粉弗敢施奉身事君子服勤忘燕私  
一朝成遠別千里長相思願託雙飛翼  
辛苦良不辭飛來侍君側恩義兩無虧  
永言執箕帚盡瘁以爲期可望不可卽  
翹首空嗟咨

處世若醉夢

處世若醉夢憂樂付等閑百事皆前定  
對酒且自寬仰天歌嗚嗚清風吹我冠  
濁醪滿瓦缶首藉堆春盤無人勸我飲  
自酌還自歡醉眠白日

晚起看明月團拔劔舞中庭浩歌振林巒  
丈夫意如此不學腐儒酸

齊風清明感興

宦遊無定踪飄飄任南北今年在并州  
邂逅過寒食花枝紅欲燃草色翠如織  
羣鳥鳴閒庭喧啾竟朝夕飛絮隨東風  
輕盈粘几席而我與春光相看俱是客  
春歸已有期我歸應未得對景不成歡  
喟然長太息太息復何爲揮毫題素壁

無題



人生不滿百常爲千歲計圖利與求名昂昂急  
意氣晝營夜復思顧恐力弗至一旦壽命終萬  
事皆委棄卓哉陶靖節不爲世故累解印歸柴  
桑清風滿天地樽中幸有酒自酌還自醉借問  
寰中人誰能會此意

宮殿夜聞鶴唳有感

齋居無四隣庭空篆煙冷明月揚素輝脩篁散  
疎影雙鶴向我鳴鼓翅復引領靈風振縞衣華  
露浥丹頂清響徹雲霄萬籟悉以屏芝田在何

許遙遙隔塵境欲去還未能蹉跎駐光景聽此  
融心神令人發深省

題壁間畫

看山如看畫聽水如聽琴水流碧溪轉山高白  
雲深俯仰天地間萬物本無心松風颯然來爲  
我滌煩襟

遊春曲

垂楊拂地如青絲輕盈不奈東風吹馬上誰家  
游俠兒雕鞍玉勒黃金羈張弓放彈如星馳正



歷代詩選 卷二 八  
中流鶯落樹枝衆中大笑稱絕奇揚鞭走馬當  
路岐忽聞鞦韆笑語嬉隔牆竚立情如痴墻裏  
佳人顰黛眉留情不語知伊誰分明相望不相  
知恨無羽翼通佳期夕陽啼鳥催分離可憐兩  
地空相思  
香山採桑婦  
低樹採桑易高樹採桑難日出採桑去日暮採  
桑還歸來喂葉上蠶箔誰問花開與花落二眠  
纔起近三眠此際祇愁風雨惡割雞裂紙祀蠶

神蠶若成時忘苦辛但願公家租賦給一絲不  
望上儂身下男幸免官府責脂粉何須着顏色  
收蠶猶未是閒時却共兒夫勤稼穡

採蓮曲

朝採蓮暮採蓮蓮花豔冷蓮葉鮮花好面顏不  
常好葉似羅裊怨秋早秋風浩蕩吹碧波綠怨  
紅愁將奈何年年採蓮逞顏色採得蓮花竟何  
益蓮花雖好却無情夫婿有情常是客萬里關  
河歸未得爭如池上錦鴛鴦雙去雙來到頭白



折楊柳

折楊柳折得柔條持在手殷勤贈與遠行人人  
去書來莫厭頻明年柳發黃金芽却望歸鞍早  
到家春來春去須臾事莫待漫天飛雪花折楊  
柳愁思多短長亭畔崎嶇路送盡行人奈爾何

靜夜思

靜夜思何時休終宵展轉聽更籌人生由來不  
滿百安得朝夕事隱憂功名富貴儻來物目前  
渺渺春雲浮甲第歌鐘萬戶侯五花驄馬千金  
裘春風秋月不相待倏忽朱顏變白頭豪華一  
去難再得壯氣銷沈土一丘但令名節不墜地  
身外區區安用求靜夜思誰與謀勸君高枕且  
熟睡窮達由天不用愁

北風吹

北風吹吹我庭前柏樹枝樹堅不怕風吹動節  
操稜稜還自持冰霜歷盡心不移况復陽和景  
漸宜閒花野草尚葳蕤風吹柏樹將何爲北風  
吹能幾時



眼前花

昨日看花開今朝看花落  
花開花落兩無情  
莫怪夜來風雨惡  
人生一似雨中花  
老少須臾莫怨嗟  
昨日朱顏生綠醕  
今朝白髮映烏紗  
看花對酒寧辭醉  
醒後還投賣酒家  
君不見眼前花

獨酌

東風昨夜吹芳草  
綠漸成陰紅漸老  
庭前無數落來花  
分付家童莫輕掃  
開樽獨酌向花前  
仰面歌呼聲徹天  
花殘自有重開日  
人老何由更

少年醉看明月照  
華顛還把落花鋪  
地眠牀頭貯酒三百斛  
囊底蕭條無一錢  
看花對酒且自樂  
一任春歸啼杜鵑

馬上郎

馬上郎青春好  
玉勒金羈映芳草  
芳草茸茸襯落花  
花間亭館知誰家  
郎君下馬入門去  
紅裊翠袖留春住  
留春住可奈何  
笑指生香歡愛多  
烏雲高髻鬱嵒峩  
樽前起舞影娑娑  
酒酣漸覺朱顏酡  
留情兩眼橫秋波  
橫秋波情密密  
間間



凍餒君不知 夫妻對面厨中泣

高玉閨思

東風蕩漾吹花柳 春色醺人如醉酒  
梁間喜見燕將雛 檻外忽聞鶯喚友  
綠窗倦繡且停針 搔首沈吟意轉深  
却喚侍兒開繡戶 輕移蓮步傍花陰  
花陰花陰滿地蝶雙飛 相隨戀戀紅薔薇  
欲向花間撲雙蝶 生憎綠刺牽人衣  
歸來長歎臨粧鏡 宛轉柔情還未定  
還未定誰得知 須臾鴉噪庭槐晚  
又是深閨拜月時

夏日憶故鄉風景

石榴樹底紅巾感 薔蔔枝頭露香玉  
薰風拂拂自南來 時向高堂埽炎燠  
紅綃煥爛蜀葵開 金彈纍垂盧橘熟  
端陽佳節競繁華 黍角堆盤暎醅醪  
一從遊宦隔天涯 馬首紅塵厭驅逐  
有時飛夢繞錢塘 此景依然在心目  
今年夏月居晉陽 南北風土殊炎涼  
清和已過近五月 草木猶自愁飛霜  
故園物候不可見 塵沙塞草空茫茫  
雲山望斷幾千里 小樓盡日空徜徉



春寒病中自慰

別離驚歲換老病怯春寒  
脫幘擁衾卧移書就  
枕看暗將歸計小聊把客懷寬  
早晚金臺路東風拂繡鞍

絳州分司謾興

高居遠塵世嘉木結繁陰  
葉密藏山果池清立水禽  
簾垂花隔戶石迸笋穿林  
鎮日看書坐翛然解俗襟

回朝偶題

老去驚時換公餘覺晝長  
池風荷偃翠林雨杏垂黃  
舊業存書卷閒情付藥方  
偶來北窗下高枕夢羲皇

到澤州

信馬天將暮離山路轉平川  
榮太行驛樹繞澤州城落  
山翻旗影長風送鼓聲孤  
雲在天際回首若爲情

題古寺

古寺知何代荒涼倚翠微  
凝塵生佛面落葉擁



禪扉殿迥香燈寂廊空鳥鵲飛塔鈴風外語應似怨斜暉

首春遊春

滿路香塵起尋春思欲迷樹晴鶯出谷溪暖燕銜泥玉勒嘶芳草青樓瞰大堤風光無限好都在畫橋西

淋瀝連日大風至十八日午後乃止喜賦

狂風當午歇庭戶絕纖塵落葉粘芳草遊絲挽暮春間關鶯語滑來往燕飛頻縱是韶光晚相看亦向人

看亦向人

雷谷日晚至文水

溪明寒日落樹暝夕煙生飛鳥隨人語長風擾樹聲鼓笳悲遠戍車馬厭脩程騎火前村起山城候吏迎

春日大風感懷

遠塞足風沙春深不見花層冰猶度馬弱柳未藏鴉易醉愁邊酒頻歸夢裏家凭欄一搔首心緒亂如麻



春日客中謾興

客懷雖寂莫春意自堪憐  
草色翠如織花枝紅欲燃  
鳴鳩疎雨後啼鳩暖風前  
翹首天涯路韶光又一年

山行

望極羣峰遠行穿一逕幽  
雲從樹杪起水遶竹根流  
酒旆搖村舍鐘聲出寺樓  
多情林外鳥巧語答鳴騶

暮春後歸興

雨洗乾坤淨羣峰露翠微  
水清魚見遠花謝蝶還稀  
寥落驚春暮蹉跎與願違  
耳邊山鳥語勸我不如歸

漫題屋壁

卜得幽居好秋來景倍嘉  
堂虛先得月城近每聞笳  
雨洗蒼梧葉風吹白藕花  
門前無列戟寧異野人家

秋夜歸興

華月行空流素光星辰隱隱動寒芒  
煙銷寶篆



金爐冷水咽銅壺玉漏長望斷鄉書無過雁牽  
成離恨有啼螿做廬只在吳江上蓴菜鱸魚入  
夢香

春日客懷

年年馬上見春風花落花開醉夢中短髮經梳  
千縷白衰顏借酒一時紅離家自是尋常事報  
國慚無尺寸功蕭澀行囊君莫笑獨留長劍倚  
青空

登樓書興

公暇登樓立彩旃客懷撫景倍凄然千家綠樹  
蒼煙外數點青山落照邊暮景侵尋欺病骨秋  
霜容易上華顛自知不是經綸手附郭須營二  
頃田

除夕夜坐感懷

秉燭焚香坐不眠夜長難到五更天懷人此際  
隔千里爲客明朝是十年遠道風霜嗟老矣故  
園梅柳想依然椒盤獻歲知誰共獨把金杯對  
影傳



送吳繡衣還朝

平明走馬入京畿  
楊柳飛花點繡衣  
山外有山頻入望  
客中送客轉思歸  
紅雲高拱天門邃  
綠樹深藏驛路微  
渡却黃河知己少  
臨岐盃酒莫相違

五攢山

五攢山下路盤旋  
曲阜崇岡遠接連  
十里郵亭數椽屋  
幾家村落一坵田  
林梢日沒僧歸澗  
底冰消鹿飲泉  
詩思多從鞍馬得  
驂騑不用苦

加鞭

盤陀驛道中

羣峰盡處是盤陀  
小逕紆迴亂石多  
風約閒雲難作雨  
渠分流水不成河  
村經野店羣雞唱  
花發春山百鳥歌  
一段好懷無著處  
令人對景費吟哦

憶晉祠風景且以致望雨之意

懸甕山前境趣幽  
邑人云是小瀛洲  
羣峰環聳青螺髻  
合澗中分碧玉流  
流出洞神龍和霧起  
凌



波仙女弄珠遊願將一掬靈祠水散作甘霖遍九州

夜宿山館書懷

蕭然山館似僧房三尺寒檠一炷香風捲松濤清入夢窗涵月色冷侵牀倦來不覺良宵短明發從教去路長但願兩藩民物阜官中忘却是他鄉

天門山

天門山峙近西偏屹立芙蓉翠插天六月岡巒

飛雨雪四時林木吐雲煙鳥飛不過巖頭石人渴難尋澗底泉安得六丁施斧鑿泊泊車馬信

平川

落花

半隨流水半隨塵斷送韶光惱殺人蜂蝶有情悲寂莫園林無處覓精神眼前紅雨飄零盡階下蒼苔點綴新分付家童莫輕掃醉眠還勝錦為茵

飛絮



歷代詩選  
卷之三  
三  
飄飄隨意點輕裘  
播蕩春風不自由  
亂逐紅塵迷客路  
輕隨綵燕入歌樓  
梁園飛雪驚春夢  
渭水斜陽送客愁  
莫向樽前苦惆悵  
綠陰還在粉牆頭  
莫園林無盡  
蘇軾  
半割交城道中  
重瀉  
大  
謝  
人  
執  
鞭  
杖  
削  
峰巒重疊樹微茫  
回首清源道路長  
僧屋數椽臨野水  
人家一半住山鄉  
龍歸洞口雲煙濕  
麝過林間草木香  
隨處停驂問民俗  
不知歸鳥背斜陽

水村  
茅屋三椽傍淺沙  
門前蒲柳綠交加  
鳧鷖金宿藏荷葉  
蛺蝶雙飛繞菜花  
甘雨一犁滋穀麥  
輕煙數里接桑麻  
晚風天際孤帆客  
艤棹來尋賣酒家

見白髮偶題

世間白髮最無情  
纔近中年次第生  
碌碌俄驚四十載  
蕭蕭初見兩三莖  
黃花晚節依然好  
金液還丹豈易成  
貪得由來戒遲暮  
何須辛苦事



功名

夏日卽事

密密榆槐散綠雲  
蕭蕭庭館絕纖塵  
林鶯巧語如留客  
梁燕低飛不避人  
歲月無情催暮景  
江湖何處是通津  
數莖白髮籠紗帽  
深愧淵明漉酒巾

太原道中曉行

星稀月落曉風清  
猶聽雞聲報五更  
山勢平吞沙漠境  
河流曲繞晉陽城  
天涯何處尋歸路  
野景無邊動客情  
車騎縱橫皆故道  
寧須候吏遠逢迎

夏日卽事

槐陰凝綠暗階墀  
雨後薰風拂面吹  
魚躍亂隨新長水  
鳥啼爭占最高枝  
紗厨冰簟難成夢  
羽扇綸巾漸及時  
南闔清夷無別事  
觀書最喜日遲遲

春寒憶家

碧紗窗外北風多  
鎮日輕寒可奈何  
歲月有情



人自老江山無故客重過桃花深院飄紅雨杜  
若芳洲泛綠波謾說故園春景好不堪歸計又  
蹉跎

秋晚行山西道中

暮雲收盡雨初晴馬首關山路幾程落日旌旗  
迎使節西風鼓角動邊城溪流清見行人影霜  
信寒催過雁聲最喜田家生事足村村笑語樂  
秋成

壁間畫瀟湘八景

煙寺微茫幾杵鐘漁村斜暎夕陽紅平沙落雁  
迷殘靄遠浦歸帆趁便風山市微嵐孤嶼斷江  
天欲雪暮雲同洞庭月色瀟湘雨想像陰晴似  
夢中

秋光

秋水無痕徹底清秋山如畫更分明雁鴻影裏  
雲連塞砧杵聲中月滿城暎日丹楓輝錦樹傲  
霜黃菊綻金英不須頻上高樓望此景由來惱  
客情



秋峰

浮雲散盡雨初晴  
天際羣峰削不成  
萬朵芙蓉相掩映  
九華仙掌自分明  
幽崖樹色經霜古  
絕頂松濤入夜驚  
日夕南樓增爽氣  
可能相對豁吟情

秋鴻

相呼相喚過南樓  
叫破江南萬里秋  
有足不傳雲外信  
無端偏惹客中愁  
影橫斜月天邊塞  
夢繞黃蘆雪覆洲  
霄漢翱翔應有自  
生平不爲稻

秋興

秋興

西風一夜動關山  
秋意蕭森入夢間  
雁陣不衝愁思斷  
砧聲偏與客情關  
故園黃菊催歸興  
老澗丹楓映醉顏  
脩竹苦遭窗外雨  
朝來也作淚痕斑

題李景昌竹間書舍圖

萬玉蕭森遶四簷  
坐來惟覺雨纖纖  
小窗展卷循環誦  
古鼎焚香取次添  
爽籟隨風來淨几  
清



陰和月度疎簾應知此地藏脩者早晚蜚聲不  
久淹

濟寧路傍古塚書合圖

伊人埋骨已多年三尺荒丘地路邊野鳥淒涼  
啼落日石麟顛倒卧寒煙良平計策今安在房  
杜功名亦偶然弔古欲詢何代客斷碑零落總  
堪憐

梁園

自古梁園佳麗地于今寂莫減繁華日長野店

聞啼鳥春暮山城見落花綠柳兩行侵洛遠黃  
河一帶入淮賒欲將樽酒舒高興錦帳風流愧  
党家

病猿

鎖向虛廊不自由倦舒雙臂懶擡頭巴山夢斷  
霜華冷梅嶺情牽樹影秋入定老僧心暫釋感  
時遷客淚初收高門廣廈多豪富未必聞聲便  
有愁

晚坐窗下偶題



車聲軋軋近墻東  
雁陣翩翩信晚風  
籬角黃花疎雨後  
樹頭紅葉夕陽中  
湖山舊業書連屋  
江海狂歌劍倚空  
可怪流年雙雪鬢  
相侵何事太匆匆

直廬歲暮

直廬蕭索度殘年  
靜夜焚香思悄然  
市遠不知沽酒價  
庭空惟見煮茶煙  
風穿疎牖銀燈暗  
月轉高城玉漏傳  
歸興漸隨生意動  
昨宵清夢遶林泉

更漏惜春

無計畱春住  
從教去復來  
明朝花正好  
只是老相催

谷山偶題

薰風何處來  
吹我庭前樹  
啼鳥愛繁陰  
飛來不飛去

蘇林日暮

歸鴉爭遶樹  
落日半銜山  
微雨晚來歇  
孤雲獨自還



夏日散步庭下偶題

雨過苔痕淨庭空日影遲好懷誰會得啼鳥在

花枝

詠去舟中

遠道疲鞍馬舟行得暫閒推篷看風景祇見太

行山

題金壁山水

溪山疎雨歇水木散清陰樵唱知何處白雲深

更深

并州北門城樓

塞北窮冬候無風也自寒樓高窺朔漠無事莫

憑欄

春寒

遠山猶帶雪淺水未生波花柳無消息春寒可

奈何

秋意

溽暑隨風散微涼趁雨生蕭蕭樹頭葉已解作

秋聲



歷代詩選  
明于忠肅  
過棗陽

鴻溝迢遞接棗陽芳草瀰漫古戰場  
說盡興亡無限事數聲啼鳥在垂楊

暮春遇雨

暖風吹雨泥輕塵滿地飛花斷送春  
莫上高樓凝望眼天涯芳草正愁人

村舍桃花

野水縈紆石逕斜篔簹門蓬戶兩三家  
短墻不解遮春意露出緋桃半樹花

夜坐

朦朧淡月映窗紗坐聽嚴城動鼓笳  
自是歸期難准信生憎銀燭又開花

七夕

鵲橋千丈跨銀河夜靜風恬水不波  
牛女相逢又相失歡情不似別情多

雨中山行

濕雲拖雨過前山遠樹冥冥煙霧間  
碎石亂流人不渡晚來惟有一僧還



春歸

紅芳老盡綠陰肥到處楊花作雪飛塞北從來  
無杜宇不知何物勸春歸

山行駐馬

霑衣數點雨餘雨極目萬重山外山立馬平原  
看秋色獨憐寒菊映衰顏

上太行

西風落日草斑斑雲薄秋空鳥獨還兩鬢霜華  
千里客馬蹄重上太行山

補思十七夜燈

一杯濁酒送殘燈歲月無情感慨增垂老漸忘  
兒女態從教官况似山僧

春曉

曉風吹月下長空漸覺東窗日影紅寄語鄰雞  
莫驚覺家山正在夢魂中

早春即景

弱柳千條拂地垂向陽亭館日遲遲杏花最得  
春光早屋角斜橫四五枝



歷代詩選 明子忠肅 卷二 三  
春日寫懷 四  
賞心樂事久蹉跎 景物關情柰爾何 獨上樓臺  
望鄉國 春川芳草夕陽多

暮春小雨 五

霏霏小雨不霑衣 細逐斜風密又稀 好濕香塵  
沾柳絮 莫教零亂送春歸

宿徐溝 六

霜臺寂寂夜無譁 遠近邊城動鼓笳 客路瀟漫  
歸思遠 絳臺銀燭謾開花

暮春客途卽景

雨中紅綻桃千樹 風外青搖柳萬條 借問春光  
誰管領 一雙蝴蝶過溪橋

淵明像

杖屨逍遙五柳旁 一辭獨擅晉文章 黃花本是  
無情物也 共先生晚節香

石倉十二代詩選

歷代詩選

月千忠肅

次集卷二

三

可



歷代詩選

明于忠肅

三

無計勝也共次生與僧香

外氣出鼓正餘幾一滿齋語晉文章黃芥本長

石倉十二代詩選來富貴映明次集卷之三

玉壺集

大明

鄱陽童共瑄著後學曹學佺閱

淵明高世士小試慙牛刀江山非典午富貴輕

鴻毛胡為向督郵五斗時折腰歸來三逕中黃

花露霜饒濁酒一瓢興清風千古高

題隋宮清夜遊圖

欄干月轉垂楊影露華如水銀屏冷君王西苑

歷代詩選

月夜集

次集卷三

十



歷代詩選  
明重刊  
夜未眠紫衣小隊前馳引清歌踏月立調遲妙  
舞翻雲翠袖低綠鬟侍擁抹螺黛行行按節金  
蓮齊十六院中多雅趣臺觀縈紆疊青翠芰荷  
池館晚風涼剪綵爲花能巧製鑿輿馳逐過離  
宮蓬萊路與瀛洲通周環佳勝二百里終宵行  
樂心無窮絳紗寶燭銷紅雪珠箔重重卷明月  
宿鳥驚飛花底枝銅龍水向樓頭咽追歡只謂  
常如斯興亡豈意皆人爲一朝天下共騷動始  
知樂極還生悲向來富貴知何許一代繁華逐

流水愁絕殘垣敗草深幾度疎螢照寒雨

五更登黃鶴樓

晚晴扶醉一登樓吳楚衣冠歎昔遊黃鶴不來  
人事異白雲飛盡古今愁石亭落日迷芳草溢  
浦西風送客舟極目故園何處是蒹葭零落滿

汀洲

題海棠白頭翁圖

旅食京華二十秋鬢毛如雪爲多憂幽禽不識  
春風趣底事花間也白頭



唐詩選

附童軒

附童軒

字士昂號雪厓瑄之子也所著有清風亭稿

楊柳枝

細雨染鶯黃  
絲絲拂水長  
遊人出門去  
惆悵惜

春光纔看葉  
鬪眉又見花  
飛雪只恐秋  
風生長

條不堪折  
容世逐日凋  
國四寂  
秋蕭蕭  
零落

人車遙遙

征車將早適  
起拂車上霜  
淡月殘星白  
遙思路

正長驅車出  
門遠少婦腸  
空斷不見車  
上人但

聆鐸聲轉  
鐸聲去悠悠  
聞道戍涼州  
不識涼州

路空懷萬里  
愁愁來不能  
禦魂逐車輪  
去願作

石尤風吹折  
車前樹

野田黃雀行

嘖嘖野田雀  
羣飛隨處饒  
時來晚禾裏  
啄啄爭

肥磽窮老逼  
官租終歲常  
苦號如何相  
聚食不

間夕與朝山  
長少彈射地  
僻多蓬蒿飛  
飛信得

所寧知農事  
勞

門有車馬客  
行

門有車馬客  
駕言來故里  
念子久不歸  
契濶近



一紀主人延客坐悲泣不得語移時敘寒暄始  
復相爾汝借問邦族間親知今有幾一一聽客  
言大非疇昔比壯者死行役老者半爲鬼前年  
困征徭十戶九凍餒去年坐買辦往往粥妻子  
上司急誅求鞭撻不少止貪吏寡仁恕浚削至  
腦髓言罷各掩泣張燈具雞黍觴行四三酌深  
竹暎寒雨平明客登途愁緒誰爲理

田家雜興

東風扇微和百艸萋以綠林間倉庚鳴正爾春  
景燠田夫喜春到相率殖嘉穀時雨夜來過新  
苗青簇簇老翁負薪回稚子飯黃犢幸逢官府  
閒近日少徭役努力事耕耘母爲餓空谷

其二

步履出東郭南風溪午時偶來松樹下竚立澹  
忘機野老見我至情親語依依桑柔蠶已浴麥  
深雉初飛俯仰玩物理逍遙詠而歸寄謝王良  
子虛名徒爾爲

其三



田家無外求所願營一飽今秋幸少豐處處熟  
禾稻租賦輸官倉里胥夜不到張筵會賓朋雞  
黍雜梨棗相對陶一觴頽然玉山倒

思與君別來

茆簷冬日暖懷抱良不惡柴門晝始開雞犬散  
籬落今朝無客至婦子相聚樂牀頭熟新酒聊  
復共斟酌高歌亦自慰焉知死溝壑

思與君別來

思與君別來兩見落葉黃迢迢隔千里各在天

一方欲往恨無翼欲涉川無梁昔者固膠漆今  
胡作參商砥平長安道人馬自輝光不念莫逆  
好虛名竟乖張南箕豈堪簸牽牛難服箱憂來  
不可輟撫膺獨彷徨亮無金石心與君永相忘  
自曲靖回至楊林觀田家刈穫有成

輜車至楊林秋日正卓午時維九月候穰稔滿  
填土田家急收穫處處築場圃甌窶亦滿篝牛  
載更兒負筋力誠乃疲腰背若偃僂所願在有  
秋不復辭此苦寧知輸官倉所得遺幾許貧家



計口食歲暮復稱舉因思井田制百畝什一取  
是時人足食狼戾厭禾黍呼醵擊肥鮮含哺醉  
起舞此樂不復見使我熱衷腑所冀良有司善  
政去苛虎悍吏不打門瘡孔或少補作詩告民  
牧殷勤爲塵撫

贈清貧上人

黃金沙界名淨土中有僧爲持教祖說法能超  
最上乘常感天花向空舞禪關盡日白雲封爲  
愛疎閒似遠公秋雨涼蟬三逕葉夕陽歸鳥一

聲鐘支願夜坐林間石白月清潭了無迹問師  
戒臘今幾何笑指青松數千尺有時聚石講經  
文石頭點盡如有聞有時浮杯去渡海踏碎萬  
頃玻璃雲歸來清梵維摩室何用區區九年壁  
降龍解虎人不知惟有閭丘老人識

過歌風臺

望夷宮中箭如雨芒碭山前五雲起沛公持劍  
走咸陽百二河山屬真主烏騅已逝走狗烹威  
加四海來故鄉臺前父老奉觴壽酒酣激烈歌



聲長高皇龍去臺應朽猛士何人四方守落日  
悲風動地來蕭蕭但見臺前柳豈不聞姑蘇草  
長遊麋鹿銅爵年深野狐哭惟有陶唐三尺堦  
千載人思太平福

秋江晚眺圖爲曹憲副廷璋題

金門畫史小李徒何年寫此秋江圖斜陽杳杳  
下林杪隔岬幾點青山孤時當深秋八九月紅  
葉似錦煙中鋪清霜蕭蕭悴高柳淺水獵獵涵  
疎蒲茆亭一箇傍山麓人迹不到堆寒蕪就中

豈無高尚者皓首甘作林泉枯江頭二客久不  
去氣岬頗似黃與蘇抱琴何處覓知己矯首眺  
望仍踟躕磯邊舴艋差可渡似欲放浪爲歡娛  
水清沙白秋正肅佳趣彷彿君山隅斷霞留影  
帶殘雨連雁欲下相驚呼前村有酒可剩酌亦  
有巨口松江鱸江山若此不一醉歲月幾何空  
負吾望中疑是尚書宅青紅樓閣相縈紆書聲  
隱隱起林壑劍氣燁燁騰天衢年登百頃刈雲  
子歲晚千頭收木奴地靈豈徒富物產人才項



背無時無鳳池烏府相照耀山川鍾秀信不誣  
君家世業有如此輞川赤壁焉能逾何時許我  
載輕舸與君汗漫登蓬壺

行路難

行路難太行九折何盤盤枯藤老樹挂絕壁攬  
衣欲上愁難攀行路難瞿塘三峽激流湍舟行  
咫尺苦難進宛如生度蛟龍關山之高水之險  
不似人心千萬變人心危峻不可窺眼前突兀  
峰九疑人心險詐不可測平地波瀾起千尺當

年握手出肺肝詎料相逢不相識春風昨日五  
侯門秋雨今朝廷尉宅君不見春申舍人有李  
園棘門之禍誠何冤又不見田文車馬三千客  
五百姓名書怨牒行路難危于山險于水不獨  
悠悠世上兒骨肉相看亦如此行路之難難莫  
比

君馬黃

君馬黃我馬白共拂巾車朝禁闕一朝君馬生  
光輝渭橋金市馳如飛翠絲作轡玉爲勒芻豈



歷代詩選 明童士身 八  
盈筐秋正肥吁嗟我馬徒神骨緩轡周行思滿  
汲西風一夜凍霜華廐上空餘乾苜宿

將進酒

將進酒君莫辭請君聽我歌新詞百年三萬六  
千日一歲歡娛能幾時君不見古人名利相奔  
趨蘭亭梓澤皆丘墟何如秦宮花下醉滿堂明  
月紅氍毹榮辱信有命富貴亦有期一朝光寵  
還自至何須讀盡人間書黃金注白玉鐘綠醅  
初潑蒲萄濃貂裘不惜酒家換便當醉卧埋春

風盛時一去不再返綠髮明朝成老翁將進酒  
杯莫空雲臺煙閣我何有仰天大笑浮雲東

采蓮曲

采蓮朝下湖西曲短袂輕綃鬪粧束小紅艇子  
駕雙橈盪破粼粼鏡光綠荷葉荷花颺錦雲鴛  
鴦兩兩護波紋荷錢却喜似儂鈿藕絲還愛似  
儂袞湖頭昨夜西風雨沙觜新添三尺水翠倒  
紅翻相向愁波心半露青蓮子采蓮復采蓮回  
船正迎浪不嗔歸去遲只嫌明月上明月團團



湖水秋清光滿面照儂羞郎家只隔湖南垞咫尺橫波日夜流

燕歌行贈徐七遵誨

黑雲黯靄陰山北跨馬長征殺胡賊腰間寶劍懸吳鉤寒光閃爍青芙蓉一從仗劍出蕭關幾載風塵瀕洞間鐵甲戰酣青海月羽書飛捷白狼山論功自合分茅土猶向軍前朝沐雨可憐白首困窮荒虎帳何人日歌舞滿地腥風血色腓輪臺萬里居人稀胡兒吹笛朝出塞壯士橫

戈夜突圍從戎却念辭家久數奇尚落他人後一聲寒角秋風鳴望鄉幾度頻搔首男兒離別何足歎才器如君世稀有闔外會有推轂時肘後黃金印如斗玉門胡騎去紛紛更上燕然勒大勳君不見漢世匈奴多繫頸至今猶說衛將軍木葉蕭蕭秋草黃

蘇林巫山高古臨滌雨瀟蕭昔生思何遠

巫山高高望不極疊巘連岷倚天碧雲裏芙蓉十二峰宛如神女晚粧濃襄王已去今千載行



雨行雲尚有蹤朝朝暮暮荒臺下幾見行人時  
駐馬玉珮仙香杳不聞空有神巫奏歌舞路入  
楓林樹色青古祠飛雨亂苔生相思何處愁魂  
斷木葉蕭蕭猿夜聲

劉生

少年學武兼學文姓名不屬羽林軍殺人睚眦  
不敢視橫行抱劍遊三秦鬪鷄擊筑時暮馬  
蹄慣踏章臺路一朝官裏賜銅符百戰捐身寧  
後顧平生挽弓能挽強區區郭解何足當願爲

豫讓報恩死不學李陵嬰耻

江南曲

桃花斑斑落紅雨玉缸春酒濃如乳吳姬白紵

裁舞衣一曲嬌歌少年子江頭日晚停商船衆

中金多爲上客當壚一斗沽十千引滿紅螺吸

明月杯空月落江水寒勸君且宿茱萸灣遲明  
大艚挂帆去千里煙波傷玉顏

結襪子

大梁公子信陵君貴介豈比諸侯卿平生折節



歷代詩選 卷之三 十一  
能下士夷門屠市俱成名信陵一去今千載開  
閣平津竟虛待士風愈下俗愈偷望履呈身何  
足怪籠絡紛紛難具陳私恩桃李滿門春周公  
吐哺不可見吁嗟結襪今何人

長安道

長安在何許定鼎燕薊北周道千里平商邑四  
方極金臺玉壘何雄哉重關設險從天來黃道  
祥光直南見紫微中宮正北開天連閣道星辰  
拱日射觚稜金碧聳百尺文樓五鳳飛九重魏

闕雙龍擁長樂鐘聲曙色寒千官劔履集朝端  
龍函捧勅頒三殿象輦駝琛響八鑾皇家制度  
超前古文物聲明播寰宇白雉遙聞貢越裳龍  
媒又見來西土太平治道軼唐虞彬彬多士皆  
文儒揚雄已奏甘泉賦司馬還陳封禪書葱蘢  
王氣浮丹宸承露金莖矗雲起紫禁彤墀月似  
銀玉河金水花如綺九陌香塵拂面飛鳴珂初  
散午門西王侯第宅施行馬公子園亭爭鬪雞  
王侯公子多如雨大道青樓聯戚里玉笙吹月



鳳雙飛繡幙圍春鸚並語雕鞍寶蓋日過從片  
言出口生華風始見金張初賜第俄聞衛霍又  
旌功六街三市相連絡佛舍飛薨絢丹雘百貨  
都歸大內東人才盡入平津閣御史臺前烏欲  
啼將軍營裏馬頻嘶教坊夜月人如玉上苑春  
風錦作畦風光節物年年在萬世山河長不改  
罷官廷尉自書門遷仕中丞彌映彩莫言李廣  
不封侯誰惜馮唐易白頭青史功名今已矣江  
湖高起見京樓

明妃引

陰風烈烈吹黃沙稽落山下愁雲賒明妃馬上  
面如玉萬里去適單于家玉關漸遠人煙絕回  
首漢宮惟見月琵琶掩恨去路長胡雁叫寒天  
欲雪天欲雪狐兔愁殷檉蕭蕭古塞秋願將一  
掬思鄉淚寄與黃河東去流君不見古來戰士  
長城死白骨纍纍多似蟻妾身雖辱亦不辭忍  
使健兒作胡鬼

禽言四首



阿嫂阿嫂兄弟而今俱已老斗粟從來尚可春  
慎勿闕牆競些小阿嫂阿嫂

苦苦苦苦避却蒼鷹逢乳虎年年剝削無了期  
那得官中生卓魯苦苦苦苦  
養蠶忙阿姑携筥婦采桑蠶老作繭姑勿喜官  
絹正輸三丈強養蠶忙  
急急聒號寒啼飢難過活賣田且了今年租辛  
苦來年只傭作急急聒

宿白塔寺

夜宿招提境蕭然世外蹤雨腥龍出洞月冷鶴  
歸松影露林間塔聲傳澗裏鐘空門應不鎖常  
借白雲封

謫所有懷舊遊諸友

憶昔論交日相知盡少年季良身任俠叔度世  
稱賢夜雨彈碁局春風放酒船飄零各分手愁  
絕越江邊

懷劉繡衣廷高

鄉里交遊輩情深喜見君一緘勞寄意兩地惜



離羣白馬人傳疏  
雕龍世愛文  
幾回馳戀切  
春樹暗江雲

泊九龍灘

九龍灘下泊  
煙景暗蒼苔  
樹影臨流出  
鐘聲渡水來  
江空鷗伴少  
風急雁羣哀  
正爾懷人切  
愁雲滿釣臺

舟中雜詠

秋水青于染  
官河放去艤  
波光迷草閣  
山色到篷窗  
細雨猿啼獨  
疎池雁下雙  
羈懷正牢落  
誰

與倒吟缸

贈明上人

悟得西來意  
禪關養性靈  
藤陰侵座滿  
竹色覆池青  
洗鉢魚吞飯  
傳燈鹿聽經  
自無名利夢  
不著息心銘

京口夜泊

維舟京口岬  
惆悵舊吳都  
遠寺鐘聲小  
高城月影孤  
江楓人獨宿  
汀葦雁相呼  
無限淒涼思  
寒潮打敗蕪



景州道傍古碣

遺碣知何代遙看碧蘚迷夕陽牛礪角秋雨蚓  
蟠泥牧豎羣敲火行人半認題空遺千古恨愁  
絕峴山西

憶金陵

金陵佳麗地風景想依然城闕金湯固江山罨  
畫連晚風樓上笛春水渡頭船惆悵曾遊處而  
今又幾年

其二

自古興王地繁華賸足誇闕雞名巷小牧馬舊  
坊賒稚子春乘竹園下曉賣花漢家宮闕麗王  
氣結彤霞

其三

為憶江東地風光信可憐侯門深似海官道直  
如弦妓女釵簪燕兒童紙放鳶別來恒在望何  
日賦歸田

其四

建業僑居地悠悠入夢賒秦淮橋畔月靈谷寺



歷代詩選 明華北集  
前花銀燭張燈市青帘賣酒家時清人自樂簫  
鼓度年華

東林小隱爲沈處士題

小隱東林地身閒歲月忘曲池山倒影虛閣水  
生涼雨潤琴絲慢風薰藥臼香羨君清趣好無  
夢到岩廊

贈范外史

寄迹朝真觀煙霞世外心封書憑鶴寄吹笛似  
龍吟寶氣千林玉丹光滿竈金有時飛佩響軍

作步虛音

孤雁新盤一樹松林蕪蕪無人賦最悲  
離羣應已久遠地只孤飛月冷呼聲疾雲閒顧  
影稀蕭蕭蒲葦老粒粒稻梁微幾夜迴塘夢分  
明向北歸

與許漢英秀才夜話

白下棲遲地睽違又十年蹉跎雙鬢改險阻一  
身全夜雨溪南業秋風墓下田別來空有夢惆  
悵未能還



飲馬長城窟

飲馬長城窟寒泉咽不流  
鬪體腥卧雨刁斗冷  
鳴秋瀚海烽燧斷陰山部落稠  
將軍方閱武醉擁紫貂裘

題清隱山房

幽居渾似聘君亭門對青山盡日扃  
一縷茶煙吟處颺半窗松雨夢回醒  
鴻都官好羞輸直虎觀門深懶議經  
一卧空林驚歲晚無人知是少  
微星

咸陽晚眺

渭水東流落日西咸陽秋色望中迷  
荒煙古渡人稀到衰柳空城馬自嘶  
霸業已消三月火斷碑猶載數行題  
東門牽犬人何在空見年年碧

草齊  
襄陽懷古  
是謂神閨  
草樹水調  
北嶽接

疋馬南歸望故城半林殘雨夕陽明  
雲邊岫接秦山色樹裏河流漢水聲  
墮淚有碑苔色古攔街無曲酒旗橫  
那堪回首成陳迹笳鼓西風愴



客情

春水

湖北湖南燕尾分半篙纔動綠如芸  
梅花港小依橋見桃葉歌長隔听聞細草斷  
水鷗外浦斜陽晴笛鳥邊雲晚來幾陣廉纖雨  
灑碎玻璃萬頃紋  
鳳西草堂爲鄒義官賦  
清隱臺西地最奇四時佳趣自相宜  
秋風蘿蔓垂茅屋春雨桃花近竹籬  
勸客小姬歌白苧遣

懷新句寫烏絲相過况有知音在不用黃金鑄  
子期

簡溪爲吏部吳王事題

溪上幽居廠竹扉溪邊春水淨苔衣  
吟抄甫里新詩草坐買嚴陵舊釣磯  
幾點青山當戶立一雙白鳥背人飛  
也知習靜真成簡游俠無勞問是非

九月十三夜夢繡衣康用和握手論舊覺

而聞雨因寄



宦遊歲月易蹉跎青鏡流光兩鬢皤客夢不知  
江水遠鄉心偏傍雨聲多張衡有詠惟愁在燭  
武無能柰老何爲問舊遊驄馬客別來誰與其  
鳴珂

杜子美草堂

性僻耽詩死不休文光萬丈謫仙儔浣花溪上  
頻年興飯顛山前半世愁風送雨聲江閣夜雲  
涵星影草堂秋可憐一片經綸志短褐長鑱到  
白頭

諸葛武侯祠

抱膝長吟志有餘出師勲業竟何如龍蛇漫想  
驅兵陣魚鳥真疑畏簡書鐵甕有城荒歲月銅  
臺無主易丘墟請看當日隆中路猶自春風一  
草廬

清明書感

兩年作縣越江濱回首鄉關未得歸華髮又驚  
佳節換青雲堪歎故交稀山村細雨梨花發茅  
屋東風燕子飛潦倒不須嗟薄宦且將樽酒送



斜暉

次沈行父見贈

不逐夔龍到鳳墀詩名籍籍滿天涯  
鷄林有價時爭售狗監無人世  
謾知春草池塘回謝夢秋  
蘭堂戶思湘纍那堪別後同  
明月千里關山不盡思

南行秋興

扁舟萬里適南荒行客驚秋覺  
夜涼老去形骸空駿骨憂來  
世路半羊腸沙明蒲稗初含  
雨月

冷蒹葭已着霜忽憶舊居青鎖地  
幾回簪筆綴鷓行

庚寅三月按思州等郡因過清浪叅將吳

公欵畱以詩酬之

年華冉冉似流波撫景其如感慨何  
草滿天涯春色暮水連湖口夕陽多  
鄉書路遠雙魚斷蠻額雲深疋馬過  
賴有元戎相慰意一樽呼取聽

樵歌

予至滇南一載始得寄書因附四韻楮尾



天涯薄宦苦相羈回首西風又一期  
任久蒼頭迎客慣路遙黃耳到家遲  
人情盡似飢鳶競心事惟應倦鳥知  
倚徧欄干意難寫夕陽寒角起  
高陴

九月十日宿下關驛

西風吹冷思綿綿老去詩篇只漫傳  
半夜郵亭雞唱早十年岐路馬蹄穿  
梁王宮殿秋蕪裏黔國河山暮雨前  
薄宦驅人何日了欲將心事問蒼天

重至臨安分司

公署睽違又一期重來仍值禁煙時  
欄干漬雨花枝重亭館畱寒燕乳遲  
無事且謀犀首飲有懷都寓少陵詩  
東風可是無情甚白雪盈頭不肯吹

登五華寺戒上人樓

垂閒時倚遠公樓一段風煙豁醉眸  
山色遙連尋甸晚潮聲初湧海門秋  
酒旗城郭西風急禾黍人家宿雨收  
莫怪吟餘重回首五雲東北是



神州

秋暮至曲靖

故鄉何處是并州  
萬里關山不斷愁  
野館夕陽人獨立  
邊城秋色水空流  
宦情已愧陶弘景  
客况何如馬少游  
一夜西風吹夢破  
歸心遙寄楚江頭

江頭

贈萬都闖子和

坐擁貔貅一萬羣  
多君好武更能文  
工書絕似班都護  
雅詠還同賈刺軍  
細柳風清朝奏角  
團

花霜冷夜占雲  
太平無事邊塵靜  
擬策凌煙閣

上勳

湖口夜泊

江水滙為澤  
瀾漫深萬丈  
山寺晚鐘鳴  
湖心明月上

晚泊荻港

漁艇已收綸  
斜陽下煙水  
寂寂掩篷窗  
坐聽舟人語

題畫小景二首



山色青於染茅堂背郭成陰陰喬木裏疑有讀書聲

家住清溪口門掩清溪樹溪上多白雲幽人自來去

竹棚口

君住竹棚口妾家桃花津來往不相識青山應笑人

丹陽晚眺

春水綠迢迢空江自落潮橋頭兩竿日煙外酒

旗飄

東風

東風吹百艸葱蒨滿天涯獨有南山桂依然未着花

駿馬二首

駿馬響金羈蹀躞長安道少年挽雕弓彈落花間鳥

駿馬出長堤繁纓儵革垂相逢休問姓知是羽林兒



歷代詩選 明重刊本 二四  
漾備早行

流水點曲響亂山重疊橫行行天欲曙立馬看  
雲生

過浪穹峽

幽花懸石壁流水瀉雲根停車試相問只恐是  
桃源

宿觀音山驛

溪聲泱泱流木葉蕭蕭下離人耿不眠寒燈伴  
長夜

宿鄧州驛

風走落葉聲山犬吠不已披衣夜出戶明月照  
池水

姚安分司

吟人夜未眠迢迢漏初永起步山中月疎林露  
猿影

南安分司

陰風射紙窗燭影半明滅四野無人聲寒猿嘯  
霜月



維揚弔古

草沒離宮舊路賒錦帆曾說到天涯孤城日暮  
東風惡落盡庭前綵樹花

寄月溪瑩僧官二首

病來常欲謝朝簪幾度懷師夢裏尋遙想跏趺  
雙樹底一燈懸影照禪心

白雲芳草閉禪關金磬無聲夕照閑應是定中  
忘坐久袈裟渾染石苔斑

舟回采石夜泊謫仙樓下值雨弗果登

謫仙樓下弔詩仙千載風流世共憐煙雨一江  
無月色鯨魚風起浪花圓

次韻楊內翰賓筵留詠

馬首黃塵十丈飛藍袍今已換緇衣相過只有  
揚雄宅幾共談經坐夕暉

田舍雜詠爲梅庄朱處士題

名庄渾似習家園綠樹陰陰靜掩門昨夜溪南  
春水漲芹絲香處有河豚  
十角黃牛二頃田新秧簇簇徧郊阡卧龍老去



無人問春雨躬耕足幾年

不逐漁舟覓水源繞溪花竹自成村青山遮斷

紅塵路只有詩僧日款門

載酒看山湖上歸西風吹冷薜蘿衣水田刈盡

雲千頃無數牛羊草正腓

石倉十二代詩選

明次集卷之三 終

石倉十二代詩選

明次集卷之四

石室遺音

大明

關中鄭小關著

後學曹學佺閱

雨夕同諸公夜飲

萬竹絳飛雨流雲來遠天高陽久寂寞客至張  
華筵達士不惜醉暢飲清風前陰壑度玄籟寒  
聲應鳴絃不盡眼前歡別後空悽然狂歌馬公  
子達曙未能眠

題南澤湖別業艸亭



家居無四隣遠屋清湖水潭花共谷鳥相對衡  
茅底樵唱遂邊聞漁歌鏡中起麥圃秋旣成瓜  
田且猶理時與休芸人同歸竹林裡門閒吏不  
過黍熟酒還旨自是羲皇民吾當慎終始

晚坐西園翫月懷孫景大

庭前嘉樹林夕鳥時驚聒遙聞精舍鐘杳靄空  
中發門閒草木長雨過莓苔滑空園散玉露碧  
海生華月獨此對清輝憐君向天末

得石寶山喜而賦

我懷出塵想久爲形役侵未能脫畧去汨汨勞  
此心昨日買溪園松栢森成林從茲謝流俗結  
屋青雲岑九日休沐來黃花正垂金採掇興無  
限臨風聊自斟時有還山雲悠悠浮我襟昔聞  
羽僊人駕鹿茲登臨飈輪去已久天路空難尋  
徒餘舊遊處石室莓苔深雖無丹砂訣庶可投  
吾簪

題幻居上人白蓮

涼生玉井沈露滴金池冷虛蟾與素魄淨立白



唐詩選 卷之二  
題楓林送別圖  
雲迥微香散客纓止水通禪境忽憶東林人臨  
流發深省

題楓林送別圖

白日行青天流雲散霞浦秋聲何處來散入楓  
林樹客裏送行舟沙頭飲樽俎孤帆去漸遙暝  
入長江雨日暮更相思空山但凝佇

賦得武夷山送陳孟敷之三衢

亭亭溪上峯彩翠亂晴日竒崖與惟壑杳藹看  
無極寒渠石瀨漱野逕煙蘿密猿響夕陰沈松

鳴夜風疾傳云羽仙客昔此鍊金液鶴駕雖已  
遙空壇想行跡蒼然舊臺觀冷落依泉石丹光  
晴更發紫氣朝還集九曲別時多憑君訪寥闌  
送王中美之京

魯酒三百杯送行莫匆匆酣歌擊劍起逸氣如  
長虹昔作魯諸生結交盡豪雄黃金不足惜對  
客囊屢空早讀五車書作賦文尤工今年見天  
子拜舞明光宮盛世夙重才恩波賜無窮長鯨  
跋錦浪勺水焉能容騰月河上別雪花舞迴風



歷代詩選 卷之三  
行拔越城柳醉度吳門鐘雖云隔雲泥耿耿心  
猶全顧我草澤居生計如飛蓬終當拂羽翰萬  
里來相從誰能事章句白首卧雲松

山行有感

北邙多舊墓苔石侵枯骨借問葬者誰云是李  
與霍英名邁千古此際何泪没一日掩泉扃萬  
事從此歇人生天地間百歲猶倉卒誰能脫于  
斯多謀信爲拙

夏夜南湖庄上寄趙廸

積雨帶遠樹楚天來暮雲踈鐘隔野寺杳靄空  
中聞相思感我懷草根虫又喧何由了終夕默  
坐空消魂

咏窗竹寄姬墨生

莫種楊柳枝秋來已衰老野花雖媚人能得幾  
時好竹葉真可愛盤根滿庭內衆芳搖落時青  
青色猶在晴看翠欲流靜對虛堂幽初傳嶰谷  
種便得瀟湘秋俗人愛桃李却笑誰知己虛心  
猶見猜守節空如此桃李榮春風此君羞與同



從來共霜霰獨有南山松

暇日南湖庄上

門逕絕車塵惟聞沙鳥語誰識忘機人山間坐  
朝暮冥探玄妙理始得靜中趣南風吹雨來颯  
爽溪頭樹白鷗知我閒相看不飛去

題秋江送別圖

美酒雙玉壺沙頭送行客處處蘆花風寒江秋  
水白落日下長空返景明石壁去去入煙霞相  
思楚天隔

塞下曲

單于入我疆涉河與之戰殺氣塞馬蹄胡霜割  
人面大風起沙塵兩軍不相見思報明主恩豈  
知命如線天驕今已平歸奏甘泉殿

夜宿超山蘭若贈一中上人

衲衣住在東林久蹤跡人間往來少碧草閒依  
石砌深蒼苔日染松關厚薄暮時逢上客過吟  
詩對酒復如何山中無復可乘興蘿月紛紛窗  
外多



歷代詩選 明萬公府 五  
賦得萬松嶺送陳孟誠之京

吳門一道通幽谷昔種青松作喬木  
逕裏從教野鳥啼林間判與歸雲宿  
寂寂那知幾度春蒼皮剝落勝龍鱗  
飛花暗度樵人隧落葉常隨過客輪  
今日旗亭送君去去時雪蒲松間路  
牢落無懷故國秋蒼茫正值青雲曙  
嶺頭雪霰已紛紛最喜青青自拂雲  
臨岐何必攀楊柳折取松枝可贈君

賦得滄浪磯送程秀才之春官

無諸古城知幾代舊跡荒涼盡更改  
祇今落日湖水濱獨有滄浪釣磯在  
猿鳥紛紛竟若何昔人不見今人過  
飛花故向灘頭落積蘚空餘石上多  
今日攜壺對清泚秣陵此去應千里  
渭北空傳古有人時明應卜誰過子  
磯下悠悠足鯉魚願君此去莫踟躇  
明年試看桃花水會向龍門達素書  
蘇州刺史早嚴程來五喜前春  
送丘良 蘇州刺史早嚴程來五喜前春  
東園桃李寒未開蒼苔委落惟江梅  
臨岐無復



可乘興爲君直倒青霞杯扁舟遙指金陵路轉  
棹迴橈不知處徒將別思作春雲日夜微茫送  
君去白玉神州應早過到來正喜值春和香浮  
寶樹花能語日照瓊樓鳥解歌建業橫開五雲  
裏鍾山石城相對起秀色朝含紫氣高連天亘  
日迴千里今日官亭手暫分無勞躑躅嘆離羣  
羨君拂袖青天去予亦還山謝白雲

狂客歌贈陳叔晦

狂客何處人吳航最佳士朝傾美酒三百杯夜

讀遺編數千字有時相見粵城東入門慷慨氣  
如虹黃金不惜贈知己白眼已素輕王公醉來  
下筆如濤瀉舞鳳騰虬恣揮洒論俠時時叱武  
陽摘文徃徃凌司馬我亦踈狂今更癡吟詩作  
賦欲奚爲且須沽酒與君酌世上悠悠那得知  
湖山山水障歌

天下丹青誰最奇昔有鄭虔與祈岳觀茲毫素  
妙有神不是良工豈能作杳靄川原遠莫分孤  
絃暝夏春江雲人間翰墨不易得此物當時誰



贈君遙看浦口千重樹颯還常疑致風雨寓目  
蒼茫似武陵致身恍惚如天姥獨牧原頭是阿  
誰終朝默默竟奚爲早將扣角商歌奏須載齊  
侯車後歸

題方州方林塘幽趣圖

何處發清興林塘橫絕標羨君林塘有幽趣爲  
君醉作林塘經我爲林塘吟爾得林塘樂長風  
吹破黃日來池瀑淙淙向人落三峽長江動地  
迴搖波轉汐送林隈當窗崩翠可愛百尺芙

蓉天外開寒梅水竹連芳野鴻鴈鳧鷖蒲沙墅  
豐草能爲冬夏青飛雲不啻晨昏度坐來谷籟  
飄林樾清景令人爽毛骨爲君去此謝浮名還  
山却掃林塘月

代黃子齊賦送潘彥時

遠別與近別冷然同此心君爲金馬賦我作還  
山吟還山却弄清潭月雅興平陵爲君發飛觴  
展席送浮雲萬里關山坐趨忽青草堤邊春事  
賒江城落日更鳴笳鄉心歷亂悲歸雁別思蒼



屈平言送  
茫起暮鴉看君折桂人爭羨慷慨何曾戀鄉里  
高步青雲不可攀遙飛玉珮誰堪比蘿逕蕭蕭  
祇自歸吟詩作賦復笑爲年過半百已如此心  
事悠悠君始知

寄思復王隱君

百甕山家酒恒供野客過興來還倒屣醉後卽  
展欵林鶴窺人下山雲入戶多別離成累月五  
柳復如何

送王生奉親之松江

玉壺沽美酒江上送君行竹塢今朝別松門幾  
日程三神瞻日近五兩逐風輕戲綵餘清暇緘  
書慰別情

送陳文叔歲貢之京

朔雪曉猶急山風夜更嚴扁舟留郭泰祖席醉  
江淹詩爲故人作愁因才子添明朝回首處林  
月共纖纖

題衡山寺壁

暫辭城郭去杳杳入藤蘿海氣連空迥嵐光拂



歷代詩選 明鄭公序 卷四 九  
樹多鳥啼山客醉葉動野猿過向夕聞清磬其  
如客思何

送林文節

長歌祖席對斜暉座上人人愛陸機春色漸生  
江樹變河水初泮客帆歸青雲有路看先達白  
社何人恨獨違今日與君須盡醉明朝相憶謾  
沾衣

問周玄病

知君林卧復如何門對寒塘水自波宋玉也知  
愁不免長卿自覺病偏多高林葉下驚秋早故  
宅梁空恐鵬過明日相期間丹訣休令歲月久  
蹉跎

題南湖別業壁

家在南湖湖水曲依稀好似浣溪頭黃蘆葉暝  
常知雨苦竹叢深畏及秋日下漁樵燠際返夜  
深河漢鏡中浮莫嫌僻處多蕭瑟野性時時好  
狎鷗

寄王孟揚



歷代詩選 明葉公序  
憐君失路嘆多岐歸去龍山掩舊扉鑿石旋開  
行藥圃采荷新製釣魚衣衡門草發知春換埜  
逕鶯啼見客稀林下想應多寂寞秋風蕭颯入  
庭闈

寄趙景哲

卧病經時獨掩扉閒身漸覺世相違驚魂恐與  
秋雲斷衰髮愁爲暮葉稀蒲逕蒼苔誰曳屐一  
庭芳艸白寒幃登臨是處多清興肯念文園淚  
濕衣

挽任本達

陸沈誰道聖明朝老向窮途怨未消荒塚已無  
行客弔詩魂徒有故人招臨風倚劍腸堪斷月  
落空梁夢漸遙從此不須頻北望嶺猿江樹日  
瀟瀟

山水圖

雲來雙岫陰鳥下千林晚恍惚月明時扁舟輞  
川返

三生石上圖



歷代詩選 明龔公啓 十一  
三生意已傳一曲歌還歇何物識同心西山舊  
蘿月

山居

青山行處好綠水望中深欲問忘機事浮雲與  
客心

鴻鸛

不與鴻雁翔難爲鳳凰侶只逐雙鴛鴦沙頭宿  
寒雨

題翠竹黃鶯圖

微風響翠雲宿漏驚黃鳥夢裏一聲聞月殘碧  
紗曉

竹枝詞戲贈丘茂本

欲捲珠簾却下鈎愁來莫倚最高樓堤邊幾許  
垂楊樹不爲儂郎繫去舟

送馬自牧南游清漳

故國春還草木深百壺長擬共登臨如何此際  
翻成別碧海春雲日夜心

送周又玄



伯勞飛燕苦西東載酒看雲幾日同別後相思君識否斷腸多在雨聲中

竹枝詞三首

幾度秋風嘆獨居羞將蛺蝶綉羅襦南來萬點千行雁不寄儂郎一字書

強來梳洗倦還休說着西湖只淚流誰道荷花不如妾開時猶得近郎舟

十二灘頭水拍天千山陰雨萬山煙自從一值風波惡不敢回頭望客船

附鄭閻

字公望開之弟所著有抑齋集

懷林鴻

寒月照古樹朔風吹城樓如何咫尺居致我千里愁俯景暫自遣浩歌無與酬思君若逝水旦暮長悠悠

題山水圖

迢迢江上雲杳杳雲邊樹雲光與樹色染映如朝霧泉响岩壑秋帆歸海天暮恍惚月明時輕舟浣溪渡



題高四友竹軒

東林有修竹茂密成幽林  
聲寒嶰谷雨色暗湘江  
陰勁節金石操虛中天地心  
故茲耿介士托交良獨深  
願言慎終始永與同冲襟

題賓月樓贈陳伯煒

樓居有仙客恥交時俗流  
仰尋霄漢上遠與明月儔  
月色自圓素冰懷冥相投  
於焉悟消息永結忘情遊

寒食寫懷

岑居對寒食遣懷出郊墅  
纍纍陌上墳宿草添新土  
却望故山松寥寥邈何許  
念彼松下人心悲淚如雨

登小孤山

羣峰若龍馳一峰出雲表  
壯觀天地間孤高海門小  
停舟恣登臨騰身過飛鳥  
却望大孤山濛濛在冥杳

懷密叅王侁

豐城有寶劍棄置歸泥沙  
神物縱淹淹鬱鋒芒詎



歷代詩選  
明真公望  
生瑕精氣射牛斗誰能辨莫邪雷張去已遠終  
恐沈光華

感遇

瑤臺有孤鶴脩潔仙中禽本與鳳鸞偶翻爲鷄  
鶩尋穀食頗自恥松棲亦何心徘徊失所止惆  
悵誰能禁引領望徒侶茫茫玄圃深徒鳴九臯  
遠孰賞凌空音俯仰再三嘆凄然沾素襟

泣玉願一顧投珠難至前中心未見與直道皆  
徒然君子恥自獻達人甘棄捐衡門有遺叟千

載高其賢

題環青樓

轅丘之子神仙客暫向人間寄踪跡紫綬金章  
意不趨白雲芳樹情偏惜舊構危樓野水邊青  
松翠竹滿樓前寒光靜透湘簾碧暝色縈迴翠  
黛連望極滄洲幾千里疊嶂微茫鳥邊起倚檻  
朝看出岫雲開門日對懸崖水予亦牽纓未得  
過此時風物更如何與君欲畢登臨興獨有陶  
潛歸去歌



題東山草堂

山中幽人愛幽獨遠構茆廬傍岷石雲邊靜掩  
半窗閒簾外長凝數峯碧佳致應知勝輞川石  
橋花竹漫相連閒心久已狎魚鳥落日更聽鳴  
風泉別後君還幾回首茂陵仙客深知久興來  
筆下自縱橫却掃雲山繫君肘予亦常留棲遁  
懷見此令人心孔開何當拂袖同歸去與汝日  
醉眠蒼苔

清泠臺

高臺臨絕頂我輩此時過落景空山滿秋聲晚  
樹多宿雲依澗集野鳥向人歌薄暮歸城市塵  
氛柰若何

登鼓山寺

冠盖臨清境攀躋契夙心懸崖宜遠望邃谷恣  
幽尋石徑蒼苔合珠林古木陰斷煙行處濕落  
葉坐來深秋色連雲暝鐘聲與日沈不知滄海  
外誰伴羽仙吟

九日登高懷公啓公立二先兄



淒涼心緒正堪憐此日登臨倍愴然無復謾題  
鸚鵡賦有懷空咏鶴鴒篇煙林葉落深秋後蘿  
逕猿聲向夕邊浮世幾經人事變惟餘山色自  
年年

重九前一日期同社登烏石山

世事悠悠等逝波謾將清景等蹉跎百年幾遇  
看山興九日還同載酒過桂月臺前雲可席宿  
猿洞口鳥能歌羣公自有飄然興謾說參軍逸  
氣多

石  
釣龍臺懷古

無諸官殿粵江隈千古登臨愴不迴逐鹿已成  
今日夢釣龍空有舊時臺潭雲片片將秋落山  
色蒼蒼拂曙開世事升沈何足問且乘清興共  
銜盃

挽鳴秋山人

白湖小隱入雲間憶絕心知淚自潛花逕鳥歸  
春自好衡門人去晝常關新詩空有澄江句問  
字惟因載酒還舊業荒涼偏可恨蕭蕭煙雨閉



青山

石倉十二代詩選

明次集卷之四 終

論益

今日... 論益... 氣... 論... 益... 論... 益... 論... 益...

石倉十二代詩選

明次集卷之五

琴邊清唱

大明

後學曹學佺閱

秋夜讀書寄堂士淵文契

涼風動秋葉驚鵲翻庭樹散帙讀遺書寒燈照  
踈雨冥探玄妙理應得發歸趣寸心常湛如虛  
明自呈露依依林木昏隱隱星河曙寄謝希顏  
徒怕勤保貞素

遊絳月軒門人中



靈境闕空寂雲門入中峰玩奇事幽賞因得相  
追從方以靜中趣共忘塵外蹤攀登散情性語  
笑諧心胸蕭條林木昏羣物生秋容暝色半潭  
雨寒聲雙磻松行吟送落葉歸思聞疎鐘蓮社  
有佳約東林期再逢

和林範伯琴與詩韻

涼露滴草木微風散衣冠閑將石上琴遙向山  
中彈蒼蒼水雲起瑟瑟楓葉乾初月照秋夕長  
松連夜寒寄言賞音者知遇良獨難

秋日同諸公登清泠臺

靈峰起千仞高臺鬱岑寂煙蘿窮攀登林谷恣  
探歷憑高一長嘯頓覺萬緣息長江天際來茫  
茫去無極黃花點醉衣落葉滿行跡萬籟送天  
聲連山起秋色更聽白猿啼東林澹將夕

山水

谷口日耽幽閑雲閉岩扃煙林積空翠坐見羣  
山青適意調桐絲洗心期道經以茲對名跡無  
乃俱忘形



歷代詩選 明陳伯煇  
二  
桃竹百禽圖

原野藹初霽百卉何芳榮  
雖雖衆禽鳥得意欣  
春晴遷木恣棲息驚枝復飛鳴於焉林谷態自  
適天地情刷羽耀朝彩流音雜風笙竹垂琅玕  
實桃艷瑤池英吾當披此圖三復羨羣生

賦得二題送嚴克謙之京

西上有仙關岩巖望趨忽二水隔東南連山走  
吳越晨過聽曙鐘夕宿投寒月去去何所之趨  
朝拜金闕

右分水晨關

朝從鵝湖遊暮投鵝湖宿古寺入空山疎鐘出  
深竹孤舟蕩復行清響斷還續百八猶未終前  
溪水如玉

右鵝湖晚鐘

爲井軒題孤雁詩

露下江色秋沙明水容夕孤飛爾何來獨立隨  
所適驚絃恨轉深繫字情何極扁舟月下聞愁  
絕三湘客

山水題贈自怡徵士

野服每耽幽東山恣吟眺煙潭落虛鏡風礪生



歷代詩選  
絃調趣愜蒼樹雲心閑碧溪釣猶疑向蘇門落  
日共清嘯  
松泉清響贈善琴無幻上人

上人了真如孤琴寄遐想開軒對松泉宴坐猶  
偃仰有時閑拂拭落葉共清響寒聲入霜指秋  
鶻動林莽余嘗愛鳴彈愧乏知音賞一曲殊未  
終東林月初上

山水圖

危峰東南來氣勢何磅礴下有幽人居投情在

丘壑山雲簷下宿瀑布空中落境靜神自舒地  
偏心亦樂野橋帶行客孤琴引雙鶴日夕候相  
過煙霞有深約

旅次武林期叔剛脩撰不至

寓宇閉幽寂羈懷轉淒其况茲梅雨候值此麥  
風時閑登溪上樓悵望吳天涯長風捲潮來倏  
忽銀山移潮水尚有信我行豈無期緬懷同心  
人惻然起遐思

白塘師隱爲莆陽陳維禎賦



歷代詩選 明陳伯煥 四  
陳生小隱讀書處白塘遠隔青山墅地接滄浪  
九曲煙門迎壺翠雙峯雨寂寂幽欄鳥雀閑草  
堂晝掩青松關衝朝猿鶴來何事落日漁樵相  
與還清溪月出絃高調盤石風來可垂釣山鳥  
聲中彭澤吟海鷗影裏蘓門嘯年來爲客意都  
迷眼前幾負滄洲期片帆明日武陵去桃花笑  
殺歸來遲

廬山秋瀑歌寄王四秀才

君不見五老芙蓉峰絕頂隣霄翠萬重又不見  
香爐紫煙石高標照日氣千尺東南勝槩稱絕  
竒廬山秀色含碧滋半天飛瀑洒雲漢峽龍作  
雨風雷悲仰觀氣勢何盤礴一道長流噴穹壑  
素崖盡裂丹壁開白虹乍起銀河落知君素有  
江海心對之不覺清煩襟響入百潭秋水去聽  
如三峽流泉音子今西行向何處秋瀑長吟聊  
寄汝相思得似石上聲倒海隨君流不住

浯溪夕秀

浯溪山水最竒絕幽居隱隱依林樾片雨晴浮



北砌花雙松暝挂西峰月董仙茆屋居其間深  
林盡日閉松關有時相訪忽不見採藥雲中猶  
未還

青門歌寄居易子

青門橋南二月時青門城北梨花飛忽聞啼鳥  
道鄉信應念行人何日歸東風一夜青門道客  
舍蕭條但春草遠樹蒼茫感客情遙山寥落傷  
懷抱酒幔高樓日未斜參差橋上幾人家釣鱸  
潮落見歸雁螺女春深起暮鴉此中回望南天  
路撫劍悲歌水東去欲問紅樓醉別時正是青  
門憶君處

九日寄琴樂家兄

佳節歲希遇良會人罕同况逢九日一延賞兄  
弟不得相追從涼風蕭蕭送飛雨獨閉高齋向  
荆樹斷雁聲悲落木秋寒鴉影度殘陽暮去年  
此日登高臺隣霄眺望形神開酒酣到憤醉起  
舞長江浩蕩天風來念此使人戀攜手骨肉傷  
心重回首拂石空調白雪吟開尊慙對黃花酒



始知行樂多，睽違眼中不見。令心悲秋來，更欲一登眺。贏得潺湲淚滿衣。

題石田山水障

昔遊東山訪幽獨，謝公西亭傍深曲。簷楹日落雲氣涼，百丈空潭澹寒綠。衡茆列坐若羣仙，蒲衾草榻心悠然。長林落葉散巾袖，絕澗飛泉清素絃。吟嘯於茲足幽賞，野水江雲共來往。雁渚風回釣艇還，鷗沙月上寒潮響。石田畫史何清真，毫素機妙如有神。丹青放宕竟誰似，豈必輞

川賢達人

題山水

海國霽煙景，長林氣鴻濛。遙峯積翠起，千丈九天秀。出金芙蓉石，泉淙淙。洒風雨，銀河半落橫。蒼穹恍疑身，坐天姥。下萬壑，五月生寒風。對此發長嘯，逸氣凌丹虹。閑移輕擢入空碧，武陵盡處緣源窮。鷗沙潮落見溪釣，鶴林月上聞煙鐘。以茲便欲賦歸去，孤琴未許來相從。始知幸接明盛世，誰能斂跡對塵蹤。



三峽流泉題贈九齡文學

蜀江之水何雄哉奔騰疑從天上來飛流直下  
幾千丈大壑五月鳴風雷飄然一望失西北巫  
峽清秋起寒色聲撼長川白日寒氣蒸大漠青  
冥黑我時曾向錦城遊觀濤獨上瞿塘舟劃然  
長嘯震林谷短簫嗚咽回中流與君對此嘉興  
發便欲因之泛溟渤好挾飛仙汗漫遊孤篷醉  
倚西江月

舟次武陵書別龔章二友

馳馬下金陵買棹上湖鄂揚帆十日過臨臯春  
風二月登黃鶴黃鶴樓前江水春春光淡蕩堪  
娛人同舟有客來相訪執手宛若平生親知君  
不學悠悠者寧其遯跡衡門下落筆詞章接惠  
連壯游湖海蹤司馬以茲遇我情最多長吟擊  
筑氣偏豪洞庭縱酒看月色夢澤推篷望雪濤  
人生所貴在知己結交在結青雲士那能回首  
嘆萍蓬况乃立身志弧矢同舟直到武陵城桃  
花夾岸春霞明臨流慷慨一爲別雲樹茫茫不



盡情

夜泊釣龍臺

煙村帶晚景落日駐征撓  
夜色海中月秋聲江上潮  
魚燈連水岸霜月映楓橋  
明發頻回首鄉山別望遙

落芳峯性上人山房

聽梵來山寺逢僧宿石樓  
風泉行處滿花竹坐來幽  
別磬鐘聲晚空潭樹影秋  
東林微月白相送虎溪頭

寒夜留宿故人隱處

高齋期夜宿蘿徑獨攜琴  
尊酒成幽酌孤燈照短吟  
竹泉分小磴霜葉響空林  
且盡山中醉誰論物外心

自牧小亭

草閣西風下幽人獨考槃  
磬聲和雨聽山色捲簾  
看好鳥吟花塢閑雲覆  
藥欄孤琴如有約蘿徑  
候鳴彈

中天樓閣爲思實賦



樓閣東南秀衣冠翰墨流雲來蓬島暝潮落鏡  
天秋掃石絃霜軫開窗捲露鈎相逢霄漢上何  
必訪丹丘

寄公魯文兄

薄晚有佳興憶君江上山碧雲紅樹遠黃葉白  
鷗閑岩瀑當空落漁舟釣月還清暉多雅趣石  
磴擬躋攀

綠筠軒

築室依何許幽棲向竹林一塵渾不到萬玉自

蕭森挂月澄明鏡吟風響素琴知君有高節惟  
與爾同心

古靈舊隱

昔賢讀書處今子隱茲山閉戶心恒寂看雲意  
自閑衣冠塵世外尊俎石林間向晚樵歌起相  
隨落日還

汎舟螺江憶舊遊寄郡齋諸文學

曾向江頭倚玉簫與君同駐木蘭橈白波千里  
秋聞雁涼雨孤舟夜聽潮幾處人家連竹塢數



歷代詩選 卷之五 十  
行漁笛過楓橋今來却憶同遊侶煙景蒼蒼轉  
寂寥

寄仁美同好

秋深寥落舊交疎况復思君萬里餘  
粵國山河遠故邑吳門煙月怨離居  
數聲落木啼猿後幾處踈碓過雁初  
知爾西游多勝槩別來詩興近如何

送又玄周先生應辟

把酒河橋獨送行春風此別若爲情  
布衣却起

東山卧京國爭傳北海名極浦寒潮  
迎去棹清川斜日滿重城舊遊白社  
成寥落莫厭題詩慰後生

重九前七日同郡齋諸文學登隣霄臺

西風吹眺最高臺雲物蒼蒼入望來  
秋興不隨黃葉盡晚樽偏對菊花開  
岩前落木蟬聲急天際澄江雁影回  
歸去若迎重九日還從此地送陶杯

小景題贈密齋先生



長尋幽絕避囂喧野服吟秋到鹿門幾處青山  
連斷岸數家黃葉帶孤村風潭石瀨清琴響煙  
徑苔花翳屐痕却羨漁樵林下趣白雲相對欲  
忘言

寒夜有懷宗武

坐向東樓月上時懷君不寐益淒其獨拚斗酒  
山中醉深負孤琴雨後期夜久霜風還動竹天  
寒雪雀自爭枝也知別後能相憶故遣新詩慰  
所思

和敬題上清方壺山水

魯過蓬島訪茅居路入中峰紫翠分琪樹寒生  
雙磎雨石門秋卧半潭雲捲簾山色當窗見拂  
軫溪聲入坐聞何日暫辭塵服累青松白鶴日  
爲羣

天淵東林別意送善琴無幻上人

冶城秋盡此相逢遠別驚心思萬重細雨扁舟  
聞梵語空山落葉寄行蹤孤琴夜對松間月一  
錫朝經海上峰莫向西江閑洗鉢恐教風雨起



魚龍

賦得螺渚征帆送鄧孟芳徵士

女螺江上唱離歌百尺雲帆挂碧波孤巖斷燵  
天際沒亂峰殘日鳥邊過榜人洲渚漁謳起墨  
客琴樽逸興多桂棹行當霄漢近乘流應擬到

天河

江郎山

聞說江郎有弟兄鐘為靈石孕元精氣分喬嶽  
峰如削壁立中天地欲傾風動松枝甘露降雲

開石井碧蓮生駐車便欲褰衣上飛步峰頭望  
帝京

秋夜宿郡齋書呈諸契厚

淡雲流月下空階此夕相隨宿郡齋踈竹高梧  
連夜榻寒泉落木對秋崖孤琴不用彈新曲尊  
酒還同寫舊懷良會應須頻潦到誰言萍梗各

天涯

翰林侍講林環崇壁遠示手教書以復之  
玉堂遠念舊交踈遙寄南天一寫書自是多情



歷代詩選 卷之五 十一  
憐久別應題飛翰慰閒居  
雨中秋草迷山館  
天上春雲覆石渠  
不有故人頻顧問  
茂陵愁絕病相如

餞別戶部郎中林公致雍翰林典籍黃公

約仲

蕭蕭風雨送殘秋  
况復淒涼感別愁  
粉署仙郎吟判袂  
玉堂詩史解行舟  
煙村夜火明沙岸  
江郭晨鐘起郡樓  
不盡離情付流水  
隨君直到鳳池頭

遇鄉人

鵬月都城雪作花  
相逢况復在天涯  
雲山自是增離恨  
風物那堪近歲華  
遠渚斷煙迷曉雁  
長林落日集昏鴉  
坐來笑問鄉園事  
喜道平安似到家

登岳陽樓

危樓高架岳陽城  
艤櫂閑登豁遠情  
春雨波濤來几席  
夜寒星斗掛簷楹  
清遊墨客琴樽美  
飛步仙人劍珮輕  
范相雄文誇絕代  
氣爭光嶽尚



縱橫

荏平馬上口號簡邵憲使黨僉憲

荏平云是古名封地控高唐勢獨雄百雉城荒  
秋雨後幾家門掩夕陽中馬周論議情何切方  
朔詼諧賦獨工共是霜臺驄馬客偶因懷古挹  
清風日暮春歸坐來笑

寒夜聽雪簡叅政鄭公

飄飄飛雪響簷楹卧聽書堂欲二更映月未分  
窗外影因風先送竹邊聲乍疑霜葉依林下恍

訝寒松繞磴鳴起坐披襟渾不寐冰壺相對有  
餘清

永樂甲辰之秋岳陽方豸史佺按轡赤水  
偶得一聯云雲生石洞重陰合雨過峰巒  
積翠深索余足之因而賦此

曙色濛濛結遠林半空鳥道掛危岑雲生石洞  
重陰合雨過峰巒積翠深攬轡觀風詢異俗看  
山撫景動新吟揮鞭笑指來時路一道清風洒  
素襟



遣懷書寄諸愚儀僚

懶看鏡裏髮如絲病起庭前覺事非  
滿地綠陰芳草遍一簾紅雨落花飛  
閑來却笑材無補別久仍嫌信到稀  
政爾望鄉心切處杜鵑喚道不如歸

陪嚴都運重游平遠臺同林文則和嚴韻

肩輿同上石林間又得追陪到竹關  
碧樹清泉岩畔路白雲黃葉寺前山  
興來吟詠俄成什老得辭歸半是閑  
雅愛相忘頻潦倒不妨重藉石

苔斑

發南嶼橋

江水白於雪溪沙皓如月扁舟浦口來  
落日橋南發

賦得曠如樓送人之京

高樓鄰青雲虛爽復幽絕涼風下書帷  
似與離人別

人別

雪夜訪戴

一夜風雪寒扁舟獨乘興未見同心人  
前溪興



應盡

雲寺晨鐘

古寺白雲中，疎鐘逗林樾。凌晨數杵來，敲落山

上月。

雪毬花

一枝晴雪帶輕寒，正是梁園春未闌。恍佛玉環

初夢覺，香魂猶向月中看。

湘潭雨色

疑燦積翠淡如流，萬里蒼茫一望秋。坐對湘潭

歸棹晚，亂山殘雨送猿愁。

墨梅

每愛橫枝醉裏看，蒲林風雪浩漫漫。數聲殘笛  
知何處，吹落空江片月寒。

柳

空塘流水浸長條，細雨疎煙拂灞橋。羌笛數聲  
人不見，春風斜繫木蘭橈。

牧牛圖

日暮桃林風雨寒，數聲長嘯下空山。草深行逕



歷代詩選  
無歸路却望清溪沙上還

偶題

散帙看書對碧山  
浮雲流水與心閑  
坐來不覺東林夕  
月上前溪釣艇還

黃葵花

芳姿曾映羽人冠  
仙掌擎來玉露寒  
金粉只今成寂寞  
唯餘向日寸心丹

詠白鷗

江上羣鷗亦有情  
浮沈蕩漾似輕萍  
曉來推却

蓬窗視驚落前溪  
雪滿汀

宿福泉寺書與禧上人

蜀僧出世在空門  
心跡超然離垢氛  
欲問安禪最幽處  
一潭秋月半山雲

石倉十二代詩選

明次集卷之五

終



一升詩數

即水集卷之五

景幽處一戰林月半山雲

風動出甘珠空門山板欲火熱白

節節泉石清興喜上人

蒼崗野獵蒼田奕雪





書